





皇朝通鑑卷第二百六十五

端明殿學士兼翰林侍讀學士大中大夫提舉西京嵩山崇福宮上柱國
河內郡開國公食邑三千二百戶食實封九百戶賜紫金魚袋臣聞先奉
勅編集

後學 天台胡三省 音注

唐紀八十一

起開元通鑑訖五月盡
光緒提按凡二年有奇

昭宗聖穆景文孝皇帝下之下

天祐元年五月丙寅加河

帝宴生全忠及百官

資治通鑑卷第一百六十五

端明殿學士兼翰林侍讀學士大中大夫提舉西京嵩山崇福宮上柱國
河內郡開國公食邑三千三百戶食實封九百戶賜紫金魚袋臣司馬光奉
勅編集

後學 天台胡三省 音注

唐紀八十一

起闕逢困敦五月盡柔
兆攝提格凡二年有奇

昭宗聖穆景文孝皇帝下之下

天祐元年五月丙寅加河陽節度使張漢瑜同平章

事 帝宴朱全忠及百官於崇勳殿時以洛陽宮前殿爲貞觀殿內

朝爲崇
勳殿

既罷復召全忠宴於內殿

復扶又翻

全忠疑不入

帝曰全忠不欲來可令敬翔來全忠撻翔使去曰翔

亦醉矣

全忠疑帝欲圖己敬翔其腹心也故亦不使之入撻它狄翻

辛未全忠東

還

還從宣翻又如字

乙亥至大梁

忠義節度使趙匡凝遣

水軍上峽攻王建夔州

趙匡凝以襄陽之甲窺夔門夔在三峽上游泝流攻之故

日上峽上時掌翻

知渝州王宗阮等擊敗之萬州刺史張武

作鐵絙絕江中流立柵於兩端謂之鎖峽

敗補邁翻絙古恆翻

鎖卽鎖字

六月李茂貞王建李繼徽傳檄合兵以討朱

全忠全忠以鎮國節度使朱友裕爲行營都統將步

騎擊之

當是時蜀兵不出朱全忠之兵力不能及也令朱友裕擊岐邠耳

命保大節

度使劉鄩棄鄜州引兵屯同州

劉鄩在鄜州逼近李茂貞繼徵聲援不接

故使奔鄜還屯同州與朱友裕合勢鄜音夫

癸丑全忠引兵自大梁西討

茂貞等秋七月甲子過東都入見

見賢遍翻

壬申至河中

西川諸將勸王建乘李茂貞之衰攻取鳳翔建以

問節度判官馮涓

涓圭淵翻

涓曰兵者凶器殘民耗財不

可窮也

言不可窮兵極具兵力好戰不休是窮兵也

今梁晉虎爭勢不兩

立

梁朱全忠晉李克用

若併而爲一舉兵向蜀雖諸葛亮復生

不能敵矣

復扶又翻

鳳翔蜀之藩蔽不若與之和親結爲

婚姻無事則務農訓兵保固疆場

易音亦

有事則覘其

機事觀釁而動可以萬全

覘丑廉翻又丑建曰善茂

建曰善茂

貞雖庸才然有强悍之名

悍下罕翻又侯旰翻

遠近畏之與全

忠力爭則不足自守則有餘使爲吾藩蔽所利多矣

乃與茂貞修好

王建既併山南諸州阻關而守關外倚李茂貞爲藩蔽故與之修好好呼

到丙子茂貞遣判官趙錕如西川爲其姪天雄節度

使繼勳求昏

錕戶盲翻爲子僞翻此天維軍治秦州屬李茂貞

建以女妻之

妻七細翻

茂貞數求貨及甲兵於建建皆與之

墮軍實以厚資讎豈

王建之本心哉倚以自蔽不厭其數也數所角翻

王建賦斂重人莫敢言馮

涓因建生日獻頌先美功德後言生民之苦建愧謝

曰如君忠諫功業何憂賜之金帛自是賦斂稍損

史言

馮涓因獻頌而進規故其諫易入斂力瞻翻

初朱全忠自鳳翔迎車駕

還見二百六十三卷天復見德王裕眉目疎秀且年

齒已壯惡之

惡烏路翻全忠欲篡利立庸幼德王裕貌秀而齒長立之非己之利也故惡之

私謂崔胤曰德王嘗奸帝位

謂爲劉季述所立也事見二百六十二卷光化

三年天

豈可復畱

好音干復扶又翻

公何不言之胤言於帝

帝問全忠全忠曰陛下

之下臣安敢厲議

與胤

胤賣臣耳

史言朱全忠之狡猾

帝自離長安日憂不測

與胤

終日沈飲或相對涕泣

離力智翻是年正月壬戌帝離長安而東沈持林翻

全

忠使樞密使蔣玄暉伺察帝動靜皆知之

伺相吏翻

帝從

容謂玄暉曰德王朕之愛子全忠何故堅欲殺之因

泣下齧中指血流玄暉具以語全忠

史言昭宗之輕脫以速禍從干

容翻五結
翻語牛倨翻

全忠愈不自安時李茂貞楊崇本李克

用劉仁恭王建楊行密趙匡凝移檄往來皆以興復

爲辭全忠方引兵西討

西討岐邠

以帝有英氣恐變生於

中欲立幼君易謀禪代

易以鼓翻

乃遣判官李振至洛陽

與玄暉及左龍武統軍朱友恭右龍武統軍

等圖之八月壬寅帝在椒殿

椒殿亦猶椒房之稱

玄暉選龍武牙官吏太等百人夜叩宮門言軍前有

急奏

軍前謂西討行營軍前也

欲面見帝夫人裴貞一開門見兵

曰急奏何以兵爲史太殺之玄暉問至尊安在昭儀

李漸榮臨軒呼曰

呼火故翻

寧殺我曹勿傷大家帝方醉

遽起單衣繞柱走史太追而弑之

年三十八

漸榮以身蔽

帝太亦殺之又欲殺何后后求哀於玄暉乃釋之

何后

祈生于蔣玄暉而卒以玄暉死屈節以苟歲月之生豈若以身殉昭宗之不失節也

癸卯蔣玄

暉矯詔稱李漸榮裴貞一弑逆宜立輝王祚爲皇太

子更名祝

更工衡翻祝昌六翻

監軍國事

監古衡翻

又矯皇后令太

子於柩前卽位宮中恐懼不敢出聲哭丙午昭宣帝

卽位時年十三

李克用復以張承業爲監軍

李克用

張承業見上卷天復三年監古衡翻

淮南將李神福攻鄂州未下

天復

三年李神福始攻鄂州天祐元年又攻鄂州事並見上卷

會疾病還廣陵楊行密

以舒州團練使泌陽劉存代爲招討使

泌陽漢湖陽縣地後魏置

石馬縣後訛爲上馬貞觀元年廢開元十六年復割
湖陽置上馬縣天寶元年改曰泌陽屬唐州宋白曰
泌陽縣本漢舞陰縣地云云同上唐改泌陽
以地在泌水之陽也唐州治焉泌兵媚翻 神福尋

卒宣州觀察使臺濛卒

卒子恤翻

楊行密以其子牙內諸

軍使渥爲宣州觀察使右牙都指揮使徐溫謂渥曰

王寢疾而嫡嗣出藩此必姦臣之謀它日相召非溫

使者及王令書慎無亟來

諸侯下令于境內謂之令書以異于天子所下制詔

敕之書也亟紀力翻爲徐溫召渥張本

渥泣謝而行

九月己巳尊皇

后爲皇太后

朱全忠引兵北屯永壽南至駱谷

軍永

壽所以致邠兵自此而南至駱谷所以致岐兵

鳳翔邠靈兵竟不出辛未東

還

冬十月辛卯朔日有食之

朱全忠聞朱友恭

等弒昭宗陽驚號哭

號戶刀翻

自投於地曰奴輩負我令

我受惡名於萬代癸巳至東都

自軍前東還至東都

伏梓宮慟

哭流涕又見帝自陳非己志請討賊

帝昭宣帝也賊弒君之賊

先

是護駕軍士有掠米於市者

先悉薦翻

甲午全忠奏朱友

恭氏叔琮不戢士卒侵擾市肆

以此爲二人罪猶不敢昌然以弒逆之罪

之友恭貶崖州司戶復姓名李彥威

李彥威壽州人客汴州隨財任

俠朱全忠愛而子之考異見二百五十九卷景福二年

叔琮貶白州司戶尋皆

賜自盡彥威臨刑大呼曰賣我以塞天下之謗

呼火故翻

塞悉則翻

如鬼神何行事如此望有後乎丙申天平節度

使張全義來朝丁酉復以全忠爲宣武護國宣義天

平節度使以全義爲河南尹兼忠武節度使判六軍

諸衛事

朱全忠兼忠武張全義帥天平見上卷上
年朱友恭氏叔琮既誅以全義領宿衛乙

已全忠辭赴鎮庚戌至大梁 鎮國節度使朱友裕

薨於黎園

死于黎園行營

光州叛楊行密降朱全忠

降戶江翻

行密遣兵圍之與鄂州皆告急於全忠

楊行密使其將劉存攻杜

洪於鄂州

十一月戊辰全忠自將兵五萬自潁州濟淮

自潁

州潁上縣取

軍于霍丘

九城志霍丘縣在壽州東一百二十七里按元豐之壽州

治下

分兵救鄂州淮南兵釋光州之圍還廣陵按兵

不出戰全忠分命諸將大掠淮南以困之

錢鏐潛

遣衢州羅城使葉讓殺刺史陳璋事泄

錢鏐恨陳璋見二百六十

二卷天
復二年

十二月璋斬讓而叛降于楊行密

降戶江翻

初

馬殷弟寶性沈勇

寶祖宗翻沈特林翻

事孫儒爲百勝指揮使

以百戰百勝名軍

儒死事楊行密屢有功遷黑雲指揮使行

密嘗從容問其兄弟

從干容翻

乃知爲殷之弟大驚曰吾

常怪汝器度瓌偉

瓌古回翻

果非常人當遣汝歸寶泣辭

曰寶淮西殘兵

馬寶從秦宗權孫儒起于淮西故云然

大王不殺而寵

任之湖南地近嘗得兄聲問寶事大王久不願歸也

行密固遣之是歲寶歸長沙行密親餞之郊寶至長

沙殷表寶爲節度副使它日殷議入貢天子寶曰楊

王地廣兵彊

楊行密封吳王故稱之

與吾鄰接不若與之結好

好呼到翻

大可以為緩急之援小可通商旅之利殷作色

曰楊王不事天子一旦朝廷致討罪將及吾汝置此

論勿為吾禍

史言馬殷畏朱全忠

初清海節度使徐彥若遣

表薦副使劉隱權畱後

事見二百六十二卷天復元年

朝廷以兵部

尚書崔遠為清海節度使遠至江陵聞嶺南多盜且

畏隱不受代不敢前朝廷召遠還隱遣使以重賂結

朱全忠乃奏以隱為清海節度使

史言劉隱自託于朱全忠

昭宣光烈孝皇帝

諱祚即位更名祝昭宗第九子後唐明宗天成三年立廟

于曹州四年乃追崇謚號

天祐二年春正月朱全忠遣諸將進兵逼壽州

是時壽州

治壽春朱全忠自霍

王遣諸將進逼之

潤州團練使安仁義勇決得

士心故淮南將王茂章攻之踰年不克

王茂章攻潤州事始上卷

天復三年八月楊行密使謂之曰汝之功吾不忘也

安仁義歸楊行

密破趙鏗孫儒平宣潤皆有功

能束身自歸當以汝為行軍副使但

不掌兵耳仁義不從茂章為地道入城遂克之仁義

舉族登樓眾不敢逼

安仁義在淮南軍中號最善射眾憚之故不敢逼

先是

攻城諸將見仁義輒罵之

先悉薦翻

惟李德誠不然至是

仁義召德誠登樓謂曰汝有禮吾今以為汝功且以

愛妾贈之德誠掖之而下并其子斬于廣陵市

田頌朱延

蜀安仁義淮南諸將中之鎗鎗者也三板連衡不足以病楊行密暮年之餘相次禽殄行密未易才也

兩浙兵圍陳詢于睦州

陳詢叛錢鏐事始上卷天復三年

楊行密

遣西南招討使陶雅將兵救之軍中夜驚士卒多踰

壘亡去左右及裨將韓球奔告之雅安臥不應須臾

自定亡者皆還

史言御眾之術惟靜足以制動

錢鏐遣其從弟鑑及

指揮使顧全武王球禦之爲雅所敗

從才用翻鑑夷質翻敗補遺細

虜鑑及球以歸庚午朱全忠命李振知青州事代

王師範

朱全忠寬西顧之虞然後命李振代王師範

全忠圍壽州州人

閉壁不出全忠乃自霍丘引歸

朱全忠遣諸將逼壽州城下而畱屯霍丘

爲後勢

二月辛卯至大梁

霍丘至大梁九百餘里

李振至青州

王師範舉族西遷至濮陽素服乘驢而進

至濮陽已入朱全忠

巡屬故囚服乘驢以請罪濶博木翻

至大梁全忠客之表李振爲青州

留後 戊戌以安南節度使同平章事朱全昱爲太

師致仕全昱全忠之兄也 慙樸無能

慙竹巷翻

先領安南

全忠自請罷之

是日社

自古以來以戊日社戊土也立春以後歷五戊則社

日 全忠使蔣玄暉邀昭宗諸子德王裕棣王禩虔王

禎沂王禔遂王禕景王禕祁王琪雅王禎

禎之禕人翻 瓊王

祥置酒九曲池

九曲池在洛苑中

酒酣悉縊殺之投尸池中

朱全忠遣其將曹延祚將兵與杜洪其守鄂州庚

子淮南將劉存攻拔之

天復二年正月淮南兵攻鄂州踰兩葦而後克

執洪

延祚及汴兵千餘人送廣陵悉誅之

僖宗光啟二年杜洪據鄂州至

是而行密以存爲鄂岳觀察使 己酉葬聖穆景文

孝皇帝於和陵

和陵在河南緱氏縣懷來山是年更名太平山

廟號昭宗

三月庚午以王師範爲河陽節度使 戊寅以門下

侍郎同平章事獨孤損同平章事充靜海節度使

罷獨

孤損政事耳靜海軍治交州在嶺海之外損安得至邪

以禮部侍郎河間張文

蔚同平章事

蔚紆勿翻

甲申以門下侍郎同平章事裴樞

爲左僕射崔遠爲右僕射並罷政事初柳璨及第不

四年爲宰相性傾巧輕佻

佻 佛它彫翻

時天子左右皆朱全

忠腹心璨曲意事之同列裴樞崔遠獨孤損皆朝廷

宿望意輕之璨以爲憾和王傅張廷範

和王福亦昭宗之子

本

優人有寵于全忠奏以爲太常卿樞曰廷範勳臣幸

有方鎮

言幸有方鎮可以處之

何藉樂卿

太常卿掌禮樂故曰樂卿言勳人處之

職當各當其分不藉樂卿以榮

恐非元帥之旨

朱全忠時爲諸道元帥故稱之

持之

不下

下戶嫁翻

全忠聞之謂賓佐曰吾嘗以裴十四器識

真純不入浮薄之黨

裴樞弟十四

觀此議論本態露矣

言其

猶持清議也

璨因此并遠損譖於全忠故三人皆罷以吏

部侍郎楊涉同平章事涉收之孫也

楊收見懿宗紀爲相以罪貶死

爲人和厚恭謹聞當爲相與家人相泣謂其子凝式

曰此吾家之不幸也必爲汝累

累良端翻

加清海節度

使劉隱同平章事 壬辰河東都押牙蓋寓卒遺書

勸李克用省營繕薄賦斂求賢俊

史言蓋寓垂歿不忘效忠於李克用

蓋古盍翻姓也省所景翻

夏四月庚子有彗星出西北

彗祥歲翻又徐

醉翻又音歲

淮南將陶雅會衢睦兵攻婺州

光化三年田頔取婺

州既而頔爲楊行密所攻錢鏐取婺州使沈夏守之

錢鏐使其弟鏐將兵救之

鏐匹

五月禮院奏皇帝登位應祀南郊敕用十月

甲午行之

爲朱全忠殺柳璨蔣玄暉張本

乙丑彗星長竟天

彗所以除

舊布新易姓之徵也薛居正五代史曰是年正月甲辰有彗出于北河貫文昌其長三丈餘五月乙丑復出軒轅大角及于天市垣光耀嚴猛柳璨恃朱全忠之勢恣爲威福會

有星變占者曰君臣俱災宜誅殺以應之璨因疏其

素所不快者於全忠曰此曹皆聚徒橫議怨望腹非

橫戶孟翻宜以之塞災異塞悉則翻李振亦言於朱全忠

曰朝廷所以不理良由衣冠浮薄之徒紊亂綱紀紊音

問且王欲圖大事謂篡奪也此曹皆朝廷之難制者也不

若盡去之去羌呂翻全忠以為然癸酉貶獨孤損為棣州

刺史裴樞為登州刺史崔遠為萊州刺史乙亥貶吏

部尚書陸扈為濮州司戶工部尚書王溥為淄州司

戶庚辰貶太子太保致仕趙崇為曹州司戶兵部侍

郎王贊為濰州司戶濰音維唐武德二年分青州北海縣置濰州八年州廢以北海

還屬青州此時蓋復置濰州也自餘或門胄高華或科第自進居三

省臺閣以名檢自處處昌呂翻聲迹稍著者皆指為浮薄

貶逐無虛日搢紳爲之一空

爲于
僞翻

辛巳再貶裴樞爲

瀧州司戶

劉昫曰瀧州治瀧水縣本漢端溪縣地晉分端溪立龍鄉縣隋改龍鄉爲平原縣又

改爲瀧水唐平蕭銑置瀧州瀧閩江翻

獨孤損爲瓊州司戶崔遠爲白

州司戶

甲申忠義節度使趙匡凝遣使修好於王

建

趙匡凝東結淮南西通巴蜀欲交鄰以抗朱全忠也適以動朱全忠之兵好呼到翻

六月

戊子朔敕裴樞獨孤損崔遠陸扈王溥趙崇王贊等

並所在賜自盡時全忠聚樞等及朝士貶官者三十

餘人於白馬驛

白馬驛在滑州白馬縣

一夕盡殺之投尸于河

初李振屢舉進士竟不中第

中竹
仲翻

故深疾搢紳之士

言於全忠曰此輩常自謂清流宜投之黃河使爲濁

流全忠笑而從之振每自汴至洛朝廷必有竄逐者

時人謂之鴟梟

朝直遙翻下同梟堅堯翻

見朝士皆頤指氣使

以願

指麾以氣使令言其怙朱全忠之勢而肆其驕豪也

秀若無人全忠嘗與僚佐

及遊客坐于大柳之下全忠獨言曰此柳宜爲車轂

轂古鹿翻

眾莫應有遊客數人起應曰宜爲車轂全忠勃

然厲聲曰書生輩好順口玩人皆此類也

好呼到翻言順口附

和以玩押人

車轂須用夾榆

說文榆白枌所謂夾榆乃今之田榆也生田陸開其皮類

槐其肉理堅緻而赤鋸以爲器堅而耐久車轂眾輻所湊其木宜堅緻者呂俛曰檣榆宜作車轂爾雅云

白棗也檣相稽翻

柳木豈可爲之顧左右曰尙何待左右數

十人捽言宜爲車轂者悉撲殺之

捽昨沒翻撲斃角翻

己丑司

空致仕裴贄貶青州司戶尋賜死柳璨餘怒所注猶

不啻十數張文蔚力解之乃止時士大夫避亂多不

入朝壬辰敕所在州縣督遣無得稽留前司勳員外

郎李延古德裕之孫也去官居平泉莊

李德裕有平泉莊在河南

府界德裕平泉記曰先公眺想屬注伊川吾于是有退居河洛之志於龍門得喬處士故居翦荆棘驅狐狸而爲之康駢曰平泉莊去洛城三十里詔下未至責授衛尉寺主簿秋

七月癸亥太子賓客致仕柳遜貶曹州司馬 庚午

夜天雄牙將李公佺與牙軍謀亂羅紹威覺之公佺

焚府舍剽掠奔滄州

爲羅紹威誅牙將張本佺且據翻剽匹妙翻時劉守文據滄州

八月王建遣前山南西道節度使王宗賀等將兵

擊昭信節度使馮行襲於金州

馮行襲附朱全忠

朱全忠

以趙匡凝東與楊行密交通西與王建結昏乙未遣

武寧節度使楊師厚將兵擊之己亥全忠以大軍繼

之

考異曰梁太祖實錄薛居正五代史梁紀皆云七月庚午遣楊師厚帥前軍討趙凝于襄州辛未

帝南征唐實錄七月全忠奏匡凝擅通好西川淮南又遣弟專領荆南請削奪官爵已遣都將楊師厚討之翌日全忠自帥軍以進編遺錄八月壬辰先抽武寧楊師厚是日到乃議伐襄州帥趙匡凝乙未大發車徒委楊師厚總其軍政己亥上領親從步騎繼大軍之後是夜宿尉氏今從之薛史太祖將圖禪代以匡凝兄弟並據藩鎮乃遣使先諭旨焉凝對使者流涕荅以受國恩深豈敢隨時妄有它志使者復命太祖大怒天祐二年秋七月遣楊師厚帥師討之辛未全忠南征表匡凝罪狀請削官爵按全忠劫遷昭宗於洛陽匡凝與行密等移檄諸道共討之全忠安肯以禪代問之今不取

處州刺史盧

約使其弟佶攻陷溫州

佶巨乙翻

考異曰新紀正

月戊戌

張惠奔福州

天復三年張惠據溫州至是而

今從之出平陽縣渡海浦卽福州界九域志溫州東南至福州界三百二十里自界首至福州五百二十里

錢鏐遣方永珍救婺州

淮南兵自正月攻婺州

初禮部員外

郎知制誥司空圖奔官居虞鄉王官谷

王官谷在虞鄉縣中條山

昭宗屢徵之不起柳璨以詔書徵之圖懼詣洛陽入

見

見賢陽爲衰野墜笏失儀璨乃復下詔略曰旣養

高以傲代類移山以釣名又曰匪夷匪惠難居公正

之朝

復扶又翻柳璨言司空圖旣非伯夷之清又非

斂其辭而可放還山圖臨淮人也

楊師厚攻下唐

斂惡自見

鄧復郢隨均房七州

七州皆忠義軍巡屬

朱全忠軍于漢北九

月辛酉命師厚作浮梁於陰谷口

襄州穀城縣有陰城鎮按舊史陰谷

口在襄州西六十里

癸亥引兵度漢

浮梁成而度

甲子趙匡凝將兵

二萬陳於漢濱

陳讀曰陣

師厚與戰大破之遂傳其城下

傳讀如附

是夕匡凝焚府城帥其族及麾下士沿漢奔廣

陵

僖宗中和四年趙德諱據襄州傳子匡凝至是而亡楊行密時據廣陵匡凝沿漢入江順流東下而

奔歸之帥讀曰率下同

乙丑師厚入襄陽丙寅全忠繼至匡凝

至廣陵楊行密戲之曰君在鎮歲以金帛輸全忠今

敗乃歸我乎匡凝曰諸侯事天子歲輸貢賦乃其職

也豈輸賊乎

輸春遇翻

今日歸公正以不從賊故耳行密

厚遇之 丙寅封皇弟禔爲潁王

禔是支翻 又是今翻

祐爲蔡

王 丁卯荆南節度使趙匡明帥眾二萬奔城奔成

都

天復三年趙匡凝遣匡明據有荆南匡凝既敗匡明亦走

戊辰朱全忠以楊師

厚爲山南東道留後引兵擊江陵

荆南軍府治江陵

至樂鄉

以都將賀瓌爲荆南留後

九域志江陵府長林縣有樂鄉鎮

荆南牙將王建武遣使迎降全忠

爲山南東道節度使 王宗賀等攻馮行襲所向皆

捷 丙子行襲奔金州奔均州其將全師朗以城降

降戶江翻 瓌古回翻

全忠尋表師厚

大順二年馮行襲取金州至是而敗行襲遂歸于朱

全忠 九域志金州東至均州七百里 考異曰李昊

蜀書高祖紀作全行思後主紀作全行宗 林思謬王宗播王承規傳作全行宗 桑弘志傳作全行朗 新書

馮行襲傳作金行全蓋傳寫差誤不可考正按後蜀後主實錄云金州招安指揮使全師郁世居金州疑

是師朗昆弟族人也今從十國紀年王建更師朗姓名曰王宗朗更工衡鄱

下詔補金州觀察使割渠巴開三州以隸之宋白曰渠州春

更同秋巴國秦滅巴置巴郡漢為宕渠縣地蜀先主分巴郡置宕渠郡梁大同三年於郡理置渠州巴州亦漢

宕渠地後漢分宕渠北界置漢昌縣今州理是也後魏於漢昌縣理置大谷郡又于郡北置巴州開州漢

胸臆縣地後漢建安二年分胸臆西北界置漢豐縣後周置開江郡隋改郡為開州乙酉詔

更用十一月癸酉親郊淮南將陶雅陳璋拔婺州

執刺史沈夏以歸楊行密以雅為江南都招討使歙

婺衢睦觀察使楊行密本用陶雅為歙州以璋為衢婺副招討使

璋攻暨陽此暨陽即越州諸暨縣也與婺州東陽縣接竟兩浙將方習敗之

敗補

習進攻婺州

濠州團練使劉金卒楊行密以

金子仁規知濠州

楊行密長子宣州觀察使渥

長

兩翻下

素無令譽

令力正

軍府輕之行密寢疾命節

度判官周隱召渥隱性憇直

憇書容翻愚也又陟降翻

對曰宣州

司徒輕易信讒喜擊毬飲酒

楊渥時守宣州蓋加官司徒易以鼓翻喜許記

翻非保家之主餘子皆幼未能駕馭諸將廬州刺史

劉威從王起細微必不負王不若使之權領軍府

考

異曰按徐溫謂隱爲奸人隱若欲爲亂當密召劉威豈有對其父斥渥短請以軍府授威隱乃憇直之人

耳俟諸子長以授之

長知

行密不應左右牙指揮使

徐溫張顥言於行密曰王平生出萬死冒矢石爲子

孫立基業

爲子

安可使它人有之行密曰吾死瞑目

矣

瞑莫定翻開目也

隱舒州人也它日將佐問疾行密目留

幕僚嚴可求眾出可求曰王若不諱如軍府何行密

曰吾命周隱召渥今忍死待之可求與徐溫詣隱

未出見牒猶在案上可求卽與溫取牒遣使者如宣

州召之

爲楊渥不終張本

可求同州人也

路振九國志曰嚴可求木馮翊人父

實仕唐爲江淮陸運判官由是家于江都

行密以潤州團練使王茂章爲

宣州觀察使

楊行密以宣州地接杭州使良將居之豈知楊渥與王茂章構怨乎爲茂章奔

兩浙張本

冬十月丙戌朔以朱全忠爲諸道兵馬元帥

別開幕府

別開元帥府

是日全忠部署將士將歸大梁

將自

襄陽歸 忽變計欲乘勝擊淮南洛陽以丙戌除全忠

大傑 行營以是日變 敬翔諫曰今出師未踰月平兩大鎮

計欲攻淮南 謂荆襄 闢地數千里遠近聞之莫不震懾懾之此威

兩鎮 望可惜不若且歸息兵俟釁而動敬翔知淮南之不

不聽 改昭信軍爲戎昭軍昭信軍本置于金州

辛卯朱全忠發襄陽壬辰至棗陽棗陽縣屬隨州自

三十 餘里 遇大雨自申州抵光州宋白曰申州春秋之申

立義陽郡宋立司州入魏改爲郢州周武帝改郢州

爲申州光州春秋弦國漢爲西陽縣魏置弋陽郡梁

末于光城置光州北齊置南郢州後周爲淮南郡隋
復爲光州九域志自申州東南至光州三百五十五
里 考異曰梁太祖實錄十月壬申上御大軍發自
襄州由安黃涉申光暨壽春之霍丘駐焉十國紀年

十月朱全忠自襄州帥眾二十萬趨光壽按道險狹
十月丙戌朔無王申梁實錄誤今從編遺錄

塗潦人馬疲乏士卒尙未冬服多逃亡全忠使人謂

光州刺史柴再用曰下我以汝爲蔡州刺史柴再用汝陽人

也故以衣錦陷之不下且屠城再用嚴設守備戎服登城見

全忠拜伏甚恭曰光州城小兵弱不足以辱王之威

怒王苟先下壽州敢不從命全忠畱其城東旬日而

去起居郎蘇楷禮部尙書循之子也裴樞等旣死而蘇循等進

矣奉唐璽緩而輸之梁者此輩也素無才行行下孟翻乾寧中登進士第

昭宗覆試黜之仍永不聽入科場洪邁隨筆曰昭宗乾寧三年試進士

刑部尙書崔凝以下二十五人收榜詔于武德殿前覆試但放十五人自狀頭張貽以下重落其六人

許再入舉場四人所試最下不許再入蘇楷其一也
唐人謂貢院爲科場亦謂之場屋言由此而決科進
取爭名也甲午楷帥同列上言諡號美惡臣子不得而

私先帝諡號多溢美乞更詳議

按舊書帝紀楷時帥起居郎羅裒起居舍

人廬鼎上駁議楷目不知書僅能執筆其文羅裒作也帥讀曰率上時掌糊

事下大常戶

丁酉張廷範奏改諡恭靈莊愍孝皇帝廟號襄宗

詔從之

楊渥至廣陵

渥自宣州至廣陵

辛丑楊行密承制

以渥爲淮南畱後 戊申朱全忠發光州迷失道百

餘里又遇雨比及壽州

九城志光州東至壽州三百五十里比必利翻

壽人

堅壁清野以待之全忠欲圍之無林木可爲柵乃退

屯正陽

淮水流岀潁壽之間夾淮有正陽鎮東正陽屬壽州安豐縣界西正陽屬潁州潁上縣界

癸丑更名成德軍曰武順

以朱全忠父名諱故改
成德爲武順更工衡翻

十一月丙辰朱全忠渡淮而北柴再用鈔其後軍

鈔楚
交翻

斬首三千級獲輜重萬計全忠悔之

悔不用敬
期之言也

躁忿尤甚

躁則
到翻

丁卯至大梁先是全忠急於傳禪

先

薦
翻

密使蔣玄暉等謀之玄暉與柳璨等議以魏晉以

來皆先封大國加九錫殊禮然後受禪當次第行之

乃先除全忠諸道元帥以示有漸仍以刑部尙書裴

迪爲送官告使全忠大怒宣徽副使王殷趙殷衡疾

玄暉權寵欲得其處

蔣玄暉時爲樞密使內專朝
廷之權外結朱全忠之寵

因

譖之於全忠曰玄暉璨等欲延唐祚故逗遛其事以

須變

須待也

玄暉聞之懼自至壽春具言其狀

時朱全忠在壽

春行營蔣玄暉懼罪故自往言狀

全忠曰汝曹巧述閑事以沮我

沮在

呂翻

止也借使我不受九錫豈不能作天子邪

禪代之事先封大國

次加九錫殊禮此王莽創爲之也魏晉踵而行之諱其名而受其實魏文帝所謂舜禹之事吾知之矣其

言雖不至如朱全忠之凶暴其欲篡之心則一也

玄暉曰唐祚已盡天命歸

王愚智皆知之玄暉與柳璨等非敢有背德

背滿但妹翻

以今茲晉燕岐蜀皆吾勅敵

晉李克用燕劉仁恭岐李茂貞蜀王建勅渠京

翻王遽受禪彼心未服不可不曲盡義理然後取之

欲爲王創萬代之業耳

爲于偽翻

全忠叱之曰奴果反矣

玄暉惶遽辭歸與璨議行九錫時天子將郊祀百官

既習儀

唐制大祀百官皆先習儀受誓戒散齋致齋而後行事

裴迪自大梁還

裴迪先至壽春行營從朱全忠還大梁自大梁還洛陽

言全忠怒曰柳璨蔣玄

暉等欲延唐祚乃郊天也璨等懼庚午敕改用來年

正月上幸殷衡本姓孔名循爲全忠家乳母養子故

冒姓趙後漸貴復其姓名 壬申趙匡明至成都

丁卯奔荆南至是方至成都

王建以客禮遇之昭宗之喪朝廷遣

告哀使司馬卿宣諭王建至是始入蜀境西川掌書

記聿莊爲建謀

爲于僞翻下思爲同

使武定節度使王宗綰諭

卿曰

武定節度使治洋州蜀之東北鄙也故使諭卿

蜀之將士世受唐恩去

歲聞乘輿東遷凡上二十表

乘繩證翻上時掌翻

皆不報尋有

亡卒自汴來聞先帝已罹朱全忠弑逆蜀之將士方

日夕枕戈

枕職任翻

思爲先帝報仇不知今茲使來以何

事宣諭舍人宐自圖進退

司馬卿抑時爲中書舍人歟否則唐制中書通事舍

人掌受四方章奏及宣傳詔命今以卿將命出使故稱之歟

卿乃還

還從宣翻

庚辰

吳武忠王楊行密薨

年五十四考異曰十國紀年注吳錄唐烈祖實錄及吳史宮

王振撰楊本紀皆云天祐二年十一月庚辰行密卒敬翔梁編遺錄云天祐三年三月潁州獲河東堞者

言去年十一月持李克用絹書往淮南十二月至揚州方知楊行密已死與莊宗功臣列傳行密傳所載

略同沈顏行密神道碑殿文圭行密墓誌游恭渥墓誌皆云天祐三年丙寅二月十三日丙申卒薛居正

五代史行密傳亦云天祐三年卒行密之亡嗣君幼弱不由朝命承襲或始死未敢發喪赴以明年二月

疑沈顏等從而書之墓誌云十一月吳王廢疾付渥後事授淮南使或本紀等誤以此月爲行密卒王振

沈頰殷文圭游恭皆仕吳而記錄差異固不可考今從舊史而存碑誌年月以廣傳聞

將佐其

請宣諭使李儼承制授楊渥淮南節度使東南諸道

行營都統兼侍中弘農郡王

楊行密請李儼承制見二百六十三卷天復二

年渥字承天楊行密長子

柳璨蔣玄暉等議加朱全忠九錫朝

士多竊懷憤邑

朝直禮部尚書蘇循獨揚言曰梁王

功業顯大厯數有歸朝廷速宜揖讓朝士無敢違者

辛巳以全忠為相國總百揆以宣武宣義天平護國

天雄武順佑國河陽義武昭義保義戎昭武定秦寧

平盧忠武匡國鎮國武寧忠義荆南等二十一道為

魏國

宣武領汴宋毫單宣義領汝鄭滑天平領鄆曹濮濟護國領河中晉絳慈隰天雄領魏博貝衛

直相武順領鎮冀深趙佑國鎮京兆商華河陽鎮孟
懷義武鎮定祁易昭義軍鎮潞澤保義鎮邢洛磁戎
昭鎮金均房武定鎮洋秦監鎮兗沂密平盧鎮青淄
齊棣登萊忠武鎮陳許匡國鎮同鎮國鎮陝魏武監
領徐宿忠義領襄鄧隨郢
唐復安荆南鎮荆歸峽 進封魏王仍加九錫全忠

怒其稽緩讓不受十二月戊子命樞密使蔣玄暉齋
手詔詣全忠諭指癸巳亥暉自大梁還言全忠怒不
解甲午柳璨奏稱人望歸梁王陛下釋重負今其時
也即日遣璨詣大梁達傳禪之意全忠拒之初璨陷
害朝士過多謂白馬之禍也全忠亦惡之惡烏路翻璨與蔣玄暉

張廷範朝夕宴聚深相結爲全忠謀禪代事爲于何

太后泣遣宮人阿虔阿秋達意玄暉語以它日傳禪

之後求子母生全

阿烏葛翻語牛倨翻帝及德王裕皆何太后子也昭宗已弒裕與諸

弟稍長相繼而死事已至此后之母子能獨全乎后素號多智臨難乃爾蓋當時以能隨時上下以全生

者爲王殷趙殷衡譖玄暉云與柳璨張廷範於積善

堂夜宴對太后焚香爲誓期興復唐祚

何太后時居積善宮

全

忠信之乙未收玄暉及豐德庫使應項御廚使朱建

武繫河南獄

河南府獄

以王殷權知樞密趙殷衡權判宣

徽院事全忠三表辭魏王九錫之命丁酉詔許之

朱全

忠憤怒正欲殺蔣玄暉等乃復行魏晉之事表辭者敬翔教之也詔許之者王殷等承朱全忠之風指也

更以爲天下兵馬元帥然全忠已修大梁府舍爲宮

闕矣

史誅其心迹以示天下後世

是日斬蔣玄暉杖殺應項朱建

武庚子省樞密使及宣徽南院使獨置宣徽使一員

以王殷爲之趙殷衡爲副使辛丑敕罷宮人宣傳詔

命天復三年詔宦官以內夫人宣傳詔命考異見前及參隨視朝開元禮疏曰晉康獻

褚后臨朝不坐則宮人傳命百僚周隋相因國家承

之不改唐六典曰宮嬪司贊掌朝會贊相之事凡朝

引客立于殿庭至天祐三年詔曰宮嬪女職本備內

任今後遇延英坐日只令小黃門祇候引從宮人不得出內正是追削蔣玄暉爲凶逆百姓令河南揭尸

於都門外聚眾焚之河南河南府也揭其謁翻舉也玄暉旣死王殷

趙殷衡又誣玄暉私侍何太后令阿秋阿虔通導往

來己酉全忠密令殷殷衡害太后于積善宮敕追廢

太后爲庶人子而廢母是復晉峻陽之事也阿秋阿虔皆於殿前撲

殺

撲粥

庚戌以皇太后喪廢朝三日

既廢母爲庶人又廢朝三日廢

爲庶人天性滅矣廢朝三日既非喪母之禮又不足

以塞天性之傷唐之臣子非唐之臣子也朝直遙翻

辛亥

敕以宮禁內亂罷來年正月上幸謁郊廟禮

唐不

復郊

癸丑守司空兼門下侍郎同平章事柳璨貶登

州刺史太常卿張廷範貶萊州司戶甲寅斬璨於上

東門外車裂張廷範於都市

自罷謁郊廟以下皆朱全忠之風心璨臨

刑呼曰負國賊柳璨死其宐矣

呼火故翻

西川將王宗

朗不能守金州焚其城邑奔成都

王宗朗守金州纔三月耳戎昭

節度使馮行襲復取金州奏請金州荒殘乞徙理均

州從之更以行襲領武安軍

考異曰實錄云改爲武安軍新長云改爲武

定軍按武寧乃徐州軍額武定乃洋州軍額不應同

名續竇運錄注云天復七年秋汴軍都頭號馮青面

改姓朱授全忠印綬爲洋州刺史授當作受洋州自

景福元年刺史楊守佐歸順鳳翔後被朱全忠除此

年秋蜀第二指揮使王宗綰收獲金州都押衙全貴

帥眾降賜姓王名宗嗣拜金州刺史又編遺錄天祐

三年二月云行襲已於均州建節因署韓恭知金州

事請朝廷落下防禦使并不建戎昭軍以此諸書參

驗似是今者以行襲兼領洋州節制非改戎昭爲武

定軍實錄新表皆誤續竇運錄天復七年亦誤也

按考異則武安軍當作武

定軍參考新舊書亦然

陳詢不能守睦州奔于

廣陵爲兩浙兵所逼也僖宗中用淮南招討使陶雅

四年陳晟據睦州至詢而敗

入據其城 楊渥之去宣州也欲取其幄幕及親兵

以行觀察使王茂章不與渥怒既襲位遣馬步都指

揮使李簡等將兵襲之

楊渥襲位曾幾何時而修怨

于一州將其偏量如此固不

足以君國子民

湖南兵寇淮南淮南牙內指揮使楊彪擊

卻之

三年春正月壬戌靈武節度使韓遜奏吐蕃七千餘

騎營於宗高谷將擊僽末及取涼州

趙珣聚米圖經曰靈武自賀蘭

山路過西至涼州九百里

李簡兵奄至宣州王茂章度不能守

度徒

帥眾奔兩浙

帥讀日率

親兵上蔡刁彥能辭以母老

不從行登城諭眾曰王府命我招諭汝曹

楊渥父子皆以王爵

鎮廣陵故稱淮南軍府爲王府

大兵行至矣眾由是定陶雅畏茂章

斷其歸路

斷音短

引兵還歙州錢鏐復取睦州

睦州自此屬錢

氏楊氏不能爭歙書涉翻

鏐以茂章爲鎮東節度副使更名景仁

更工
衡翻

乙丑加靜海節度使曲承裕同平章事

曲承裕乘

亂據有
安南

初田承嗣鎮魏博選募六州驍勇之士五

千人爲牙軍

事見二百二十一年
卷代宗廣德元年

厚其給賜以自衛爲

腹心自是父子相繼親黨膠固歲久益驕橫

橫戶孟翻小

不如意輒族舊帥而易之

帥所類翻

自史憲誠以來皆立

於其手

穆宗長慶二年立史憲誠文宗大和三年立何進滔懿宗咸通十一年立韓允中僖宗中

和三年立樂彥禎文德元年立趙文珣尋立羅弘信

天雄節度使羅紹威心惡

之力不能制

惡烏路翻

朱全忠之圍鳳翔也

圍鳳翔見昭宗天復元年

二年紹威遣軍將楊利言密以情告全忠欲借其兵

三年以誅之全忠以事方急未暇如其請陰許之及李公

佺作亂

去年七月李公佺亂見上

紹威益懼復遣牙將臧延範趣

全忠

趣讀曰促

全忠乃發河南諸鎮兵七萬遣其將李思

安將之會魏鎮兵屯深州樂城

魏鎮魏博鎮冀兩鎮樂城恐當作樂壽

聲言擊滄州討其納李公佺也會全忠女適紹威子

廷規者卒

卒子血翻

全忠遣客將馬嗣勳實甲兵於橐中

有底曰橐無底曰橐橐橐各翻

選長直兵千人爲擔夫

長直兵蓋選驍勇之士長

使之直衛不以番代者也擔都濫翻

帥之入魏

帥讀曰率下同

詐云會葬全忠

自以大軍繼其後云赴行營牙軍皆不之疑庚午紹

威潛遣人入庫斷弓弦甲襍

斷音短襍音患翻

是夕紹威帥

其奴客數百與嗣勳合擊牙軍牙軍欲戰而弓甲皆

不可用遂闔營殪之

殪一計翻

凡八千家嬰孺無遺詰且

全忠引兵入城

詰去吉翻

辛未以權知靈遠畱後龐巨

昭嶺南西道畱後葉廣略並為節度使

二人皆能保據本道因而

命之

庚辰錢鏐如睦州

九域志杭州西南至睦州三百一十五里

西川

將王宗阮攻歸州獲其將韓從實

歸州屬荆南

陳璋聞

陶雅歸歎自婺州退保衢州兩浙將方永珍等取婺

州進攻衢州

去年九月淮南兵取婺州陳璋本以衢州附淮南今自婺州退保之

楊

渥遣先鋒指揮使陳知新攻湖南三月乙丑知新拔

岳州逐刺史許德勳

昭宗天復三年湖南將許德勳取岳州今奔之

渥以知

新為岳州刺史

為陳知新等覆軍張本

戊寅以朱全忠為鹽

鐵度支戶部三司都制置使三司之名始于此全忠

辭不受 夏四月癸未朔日有食之 羅紹威既誅

牙軍魏之諸軍皆懼紹威雖數撫諭之數用而猜怨

益甚朱全忠營於魏州城東數旬將北巡行營會天

雄牙將史仁遇作亂聚眾數萬據高唐高唐漢古縣唐屬博州九

域志在州東北一百一十里自稱畱後天雄巡內諸縣多應之全

忠移軍入城遣使召行營兵還攻高唐至歷亭歷亭縣屬

貝州九城志在州東九十里宋自曰歷亭縣之地自後魏至高齊其地屬鄆縣隋開皇十六年于永濟渠

南置歷亭縣遙取漢歷城縣爲名按漢地理志歷城屬信都郡在齊縣界王莽改曰歷亭唐萬歲登封元

年移統盤河置在魏兵在行營者作亂與仁遇相應

古歷城西七十里

元帥府左司馬李周彝右司馬苻道昭擊之所殺殆

半進攻高唐克之城中兵民無少長皆死

少詩照翻長知兩翻

擒史仁遇鋸殺之先是仁遇求救於河東及滄州

先悉

薦翻李克用遣其將李嗣昭將三千騎攻邠州以救之

時邠州兵纔二百團練使牛存節守之嗣昭攻七日

不克全忠遣右長直都將張筠將數千騎助存節守

城筠伏兵於馬嶺擊嗣昭敗之

敗補邁翻

嗣昭遁去義昌

節度使劉守文遣兵萬人攻貝州又攻冀州拔脩縣

進攻阜城

脩阜城並漢古縣唐屬冀州九域志脩縣在州東北一百五十里阜城在州東一百

六十里脩音條

時鎮州大將王釗攻魏州叛將李重霸於宗

城

宗城縣屬魏州九城志在州西北一百七十里

全忠遣歸救冀州滄州兵

去

滄州兵卽劉守文所遣

丙午重霸弃城走汴將胡規追斬之

鎮南節度使鍾傳以養子延規爲江州刺史傳薨

軍中立其子匡時爲畱後延規恨不得立遣使降淮

南

考異曰實錄初種傳養上藍院僧爲子曰延圭補江州刺史傳卒遂召淮師陷其城今從十國紀

年吳

五月丁巳朱全忠如洛州遂巡北邊視戎備

還入于魏

丙子廢戎昭軍并均房隸忠義軍

併屬山南

東

道以武定節度使馮行襲爲匡國節度使

馮行襲自均州徙同

州

楊渥以昇州刺史秦裴爲西南行營都招討使

將兵擊鍾匡時於江西

鍾延規啟之也

六月甲申復以忠

義軍爲山南東道

僖宗文德元年以山南東道爲忠義軍

朱全忠以

長安鄰於邠岐數有戰爭

九域志長安西北至邠州二百七十五里西至鳳翔

三百九里數所角翻

奏徙佑國節度使韓建於淄青

韓建本與李茂貞連

結者也朱全忠恐其復然故徙之

以淄青節度使長社王重師爲佑

國節度使

秋七月朱全忠克相州時魏之亂兵散

據貝博澶相衛州

澶時連翻相息亮翻

全忠分命諸將攻討至

是悉平之引兵南還

考異曰實錄在六月今從編遺錄唐太祖紀年錄編遺錄七

月癸未上起兵離魏都按是月壬子朔無癸未編遺錄誤也

全忠畱魏半歲

自正月入

魏至是半歲

羅紹威供億所殺牛羊豕近七十萬資糧稱

是所賂遺又近百萬比去蓄積爲之一空

近其斲翻編尺證翻

遺唯季翻比必
利翻爲干僞翻
紹威雖去其逼去羌呂翻而魏兵自是衰

弱紹威悔之謂人曰合六州四十三縣鐵不能爲此

錯也魏州領貴鄉元城魏館陶冠氏莘朝城昌樂臨河洹水成安內黃宗城永濟十四縣博州領聊

城博平武水清平堂邑高唐六縣相州領安陽鄴湯陰林慮堯城臨漳六縣衛州領汲衛共城新鄉黎陽

五縣貝州領清河清陽武城經城臨清漳南歷亭夏津入縣直州領頓上清豐觀城臨黃四縣錯鑪也鑄

爲之又釋錯爲誤羅以殺考異王申全忠至大梁日編遺

身兵之誤取鑄錯爲論錄云王秦裴至洪州軍于蓼洲諸將請阻水立寨

裴不從鍾匡時果遣其將劉楚據之諸將以咎裴裴

曰匡時驍將獨楚一人耳若帥眾守城不可猝拔讀帥

日率吾故以要害誘致之耳誘音西未幾裴破寨執楚

幾居

遂圍洪州饒州刺史唐寶請降

降戶江

八月乙

酉李茂貞遣其子侃爲質於西川

質音致

王建以侃知

彭州

朱全忠以幽滄相首尾爲魏患

幽劉仁恭滄劉守文父子

相爲首尾

欲先取滄州甲辰引兵發大梁

兩浙兵圍衢

州

此卽方永珍之兵也

衢州刺史陳璋告急於淮南楊渥遣左

廐馬步都虞候周本將兵迎璋本至衢州浙人解圍

陳於城下璋帥眾歸于本兩浙兵取衢州

淮南與浙人爭婺睦

衢三州至是方悉歸于錢氏陳讀曰陣帥讀曰率

呂師造曰浙人近我而不

動輕我也請擊之

呂師造世於青山之捷氣凌浙人近其新

本曰吾受

命迎陳使君今至矣何爲復戰彼必有以待我也遂

引兵還本爲之殿浙人躡之復扶又翻殿丁本中道練翻躡尼輒翻

設伏大破之 九月辛亥朔朱全忠自白馬渡河丁

卯至滄州軍於長蘆杜佑曰滄州長蘆縣漢參蘆縣地宋廢縣爲長蘆鎮屬清池縣

滄人不出羅紹威饋運自魏至長蘆五百里不絕於

路又建元帥府舍於魏所過驛亭供酒饌幄幕什器

饌難皖翻又難戀翻上下數十萬人無一不備羅紹威厚奉朱全忠不惟以報

德亦懼因伐統之便而取虞也秦裴拔洪州虜鍾匡時等五千人

以歸僖宗中和二年鍾傳據洪州至匡時而亡楊渥自兼鎮南節度使以

裴爲洪州制置使淮南楊氏遂兼有江西之地靜難節度使楊

崇本以鳳翔保塞彰義保義之兵攻夏州保義當作保大蓋保

義軍領邢洺磁在山東而保大軍領鄴坊與匡國節
邢岐等鎮皆在關西也難乃旦翻夏戶雅翻

度使劉知俊邀擊坊州之兵斬首三千餘級擒坊州

刺史劉彥暉

坊州保大軍巡屬也以此證上文保義其誤明矣

劉仁恭救

滄州戰屢敗乃下令境內男子十五以上七十以下

悉自備兵糧詣行營軍發之後有一人在閭里刑無

赦或諫曰今老弱悉行婦人不能轉餉此令必行濫

刑者眾矣乃命勝執兵者盡行

勝音升

文其面曰定霸

都士人則文其腕或臂

腕烏貫翻

曰一心事主於是境內

士民穉孺之外無不文者

穉直利翻

得兵十萬軍于瓦橋

時汴軍築壘圍滄州烏鼠不能通仁恭畏其強不敢

戰城中食盡丸土而食或互相掠啖

啖徒監翻

朱全忠使

人說劉守文曰說式援兵勢不相及何不早降守文

登城應之曰僕於幽州父子也梁王方以大義服天

下若子叛父而來將安用之全忠愧其辭直爲之緩

攻爲于冬十月丙戌王建始立行臺於蜀考異

爲于運錄曰天復六年十月六日行建東向舞蹈號慟號

下此榜帖則是此年十月也翻稱自大駕東遷謂昭宗遷洛也制命不通請權立行臺用

李晟鄭畋故事承制封拜按李晟討朱泚屯東渭橋但請假裨佐趙光鈇唐良

臣張彧爲洋利劍三州刺史以通蜀漢喉衿上不暇

從也其後假張彧京兆少尹以調畿內錫未表李懷

光降將孟涉段威勇以要官未嘗承制封拜也鄭

畋便宜從事見二百五十四卷僖宗廣明元年仍

以牘帖告諭所部藩鎮州縣 劉仁恭求救于河東

前後百餘輩李克用恨仁恭反覆

劉仁恭以幽州叛李克用又約朱全

忠共攻之此克用之所深恨也

竟未之許其子存勳諫曰今天下之

勢歸朱溫者什七八雖疆大如魏博鎮定莫不附之
自河以北能爲溫患者獨我與幽滄耳今幽滄爲溫
所困我不與之併力拒之非我之利也夫爲天下者
不顧小怨且彼嘗困我而我救其急以德懷之乃一
舉而名實附也此乃吾復振之時不可失也

史言李存勳智

識能輔其父所不逮

克用以爲然與將佐謀召幽州兵與攻潞

州曰於彼可以解圍於我可以拓境乃許仁恭和召

其兵仁恭遣都揮使李溥將兵三萬詣晉陽克用遣

其將眾德威李嗣昭將兵與之共攻潞州 夏州告

急於朱全忠戊戌全忠遣劉知俊及其將康懷英救

之揚崇本將六鎮之兵五萬軍于美原據上文則楊崇本所將者

五鎮之兵耳蓋併將秦隴之兵爲六鎮知俊等擊之崇本大敗歸于邠

州 武貞節度使雷彥威屢寇荆南畱後賀瓌閉城

自守去年九月汴將賀瓌守荆南朱全忠以爲怯以潁州防禦使

高季昌代之高季昌自此遂據有荆南又遣駕前指揮使倪可福

將兵五千戍荆南以備吳蜀倪可福自此遂委質於高季昌朗兵引

去朗兵雷彥威之兵也十一月劉知俊康懷英以此觀之上文誤作懷英

乘勝攻郟延等五州下之加知俊同平章事以懷貞

爲保義節度使

恐卽命康懷貞以郟時保義當作保大以通鑑明年書保平節度使康懷

貞證之又恐自是保義

西軍自是不振

西軍謂郟岐軍也

湖州刺史

高彥卒子澧代之

澧音禮

十二月乙酉錢鏐表薦行

軍司馬王景仁詔以景仁領監國節度使

王景仁卽王茂章是

年正月奔宣州歸錢鏐

考異曰薛居正五代史鏐辟爲兩府行軍司馬具以狀聞太祖復命遙領宣州

節度使同平章事歐陽修五代史曰鏐表景仁領宣州節度使今從之

朱全忠分步

騎數萬遣行軍司馬李周彝將之自河陽救潞州

閏月乙丑廢鎮國軍興德府復爲華州隸匡國節度

割金商州隸佑國軍

併同華爲一鎮割金商以隸佑國皆欲厚其資力以扞郟岐

初昭宗凶計至潞州

詩音赴告喪曰計

昭義節度使丁會

帥將士縞素流涕久之

帥讀曰率

及李嗣昭攻潞州會舉

軍降於河東

考異曰唐太祖紀年錄丁酉丁會開門迎降閏十二月太祖以李嗣昭爲潞

帥薛居正五代史梁紀在閏月後唐紀在十一月今從新舊唐紀薛史梁紀及編遺錄

李克用

以嗣昭爲昭義畱後會見克用泣曰會非力不能守

也梁王陵虐唐室會雖受其舉拔之恩誠不忍其所

爲故來歸命耳

無是非之心非人也丁會其有是非之心者乎

克用厚待之

位於諸將之上己巳朱全忠命諸軍治攻具將攻滄

州

治直之翻

壬申聞潞州不守甲戌引兵還先是調河南

北芻糧水陸輸軍前

先悉薦翻調徒吊翻輸春遇翻

諸營山積全忠

將還悉命焚之煙炎數里在舟中者鑿而沈之

炎讀曰燄

沈持林翻朱全忠舉兩河之兵力以攻劉守文滄州孤城破在旦夕遽以潞州內叛繞營而退者豈不知

功壞于垂成哉蓋潞州天下之脊而河東之兵全忠之所素憚者也自潞州而南下太行直抵懷孟之郊

可以進據洛都一正唐室全忠之篡事不成矣此其所以狼狽而返劉守文使遺全忠

書曰王以百姓之故赦僕之罪解圍而去王之惠也

城中數萬口不食數月矣與其焚之爲煙沈之爲泥

願乞其餘以救之全忠爲之畱數困以遺之

劉守文之辭卑

而情可矜故全忠之凶暴亦爲之感動遺惟李翻乞音氣爲于僞翻

滄人賴以濟河東

兵進攻澤州不克而退吉州刺史彭玕遣使請降

於湖南

鍾氏旣亡故彭玕請降于馬氏玕音干路振九國志作玕

玕本赤石洞蠻

酋鍾傳用爲吉州刺史

酋慈
由翻

資治通鑑卷第二百六十五

資治通鑑卷第二百六十六

端明殿學士兼翰林侍讀學士太中大夫提舉西京嵩山崇福宮上柱國
河內郡開國公食邑三千六百戶食實封一千戶賜紫金魚袋臣司馬光奉
勅編集

後學 天台胡三省 音注

後梁紀一

起疆圉單闕盡著雍執徐七月凡一年有奇
朱氏本碭山人碭山戰國時屬梁地太祖以宣
武節度使創業宣武軍治滑州古大梁也寢益
疆盛進封梁王國遂號曰梁通鑑以前紀已有
蕭梁故此
稱曰後梁

太祖神武元聖孝皇帝上

姓朱氏名溫宋州碭
山午溝里人背黃巢

歸唐賜名全忠
卽位改名晃

開平元年

是年四月卽位始改元

春正月辛巳梁王休兵於貝

州自滄州還休兵貝州且因魏博糧餉也

淮南節度使兼侍中東面

諸道行營都統弘農郡王楊渥旣得江西

謂并鍾匡時也事見

上卷天祐三年驕侈益甚謂節度判官周隱曰君賣人國家

何面復相見遂殺之

以隱言其不克負荷欲屬國於劉威也事見上卷天祐二年復

扶又

由是將佐皆不自安

旣逐王茂章又殺周隱宜餘人之不自安也

黑

雲都指揮使呂師周與副指揮使綦章將兵屯上高

上高在洪州高安縣界宋置上高縣屬筠州在州西南九十五里宋白曰上高縣本高安縣之上鎮以地

形高上故曰上高南唐昇元中立上高場保大十年升爲縣

師周與湖南戰屢有

功渥忌之師周懼謀於綦章曰馬公寬厚

謂馬殷也

吾欲

逃死焉可乎章曰茲事君自圖之吾舌可斷不敢泄

斷都管翻

師周遂奔湖南章縱其孥使逸去

路振九國志呂師周父珂

以勇敢事楊行密累有功拜黑雲都指揮使珂卒師

周代之自言三代將家不可保富貴每恣爲杯酌醉

必起舞或擊節狂歌慷慨泣下行密聞而疑之密使

人偵其動靜師周不自安乃謀於綦章而奔湖南據

此則爲渥所疑非行密也孥音奴子也師周揚州人也渥居喪

居其父行密之喪也晝夜酣飲酣戶甘翻樂飲也湛嗜也應劭曰洽也張晏曰中酒也作樂斷然

十圍之燭以擊毬一燭費錢數萬或單騎出游從者

奔走道路不知所之

從才用翻之往也

左右牙指揮使張顥

徐溫泣諫

蜀注曰牙者旗名執牙者因以名之分左右隊故稱左右身余謂身兵以衛府身

渥怒曰汝謂我不才何不殺我自爲之二人懼渥選

壯士號東院馬軍廣署親信爲將吏所署者恃勢驕

橫

橫戶孟翻

陵蔑勳舊顥溫潛謀作亂渥父行密之世有

親軍數千營於牙城之內

蜀注曰古者軍行有牙尊者所在後人因以所治爲

衙日牙城也

渥遷出於外以其地爲射場顥溫由是無

所憚

史言楊渥自去其爪牙

渥之鎮宣州也

天祐元年楊渥鎮宣州三年召爲副

命指揮使朱思勅范思從陳璠將親兵三千

勅渠京副璠音

番及嗣位召歸廣陵顥溫使三將從秦裴擊江西因

戍洪州誣以謀叛命別將陳祐往誅之

史言張顥徐溫又翦去渥

之爪

祐閒道兼行

開古覓翻

六日至洪州微服懷短兵徑

入秦裴帳中裴大驚祐告之故

告之以所以
徑人之故

乃召思

勅等飲酒祐數思勅等罪

數所具翻下因數
同俗從所主翻

執而斬

之渥聞三將死益忌顥溫欲誅之丙戌渥晨視事顥

溫帥牙兵二百露刃直入庭中

帥讀
日率

渥曰爾果欲殺

我邪對曰非敢然也欲誅王左右亂政者耳因數渥

親信十餘人之罪曳下以鐵槌擊殺之

槌側瓜翻
考異曰歐陽

史四年正月渥視事陳璠等侍側溫顥擁牙兵入拽
璠等下斬之渥不能止由是失政按璠已死於宣州

今從十國紀年

按通鑑本文宣州當作洪州

謂之兵諫

左傳鬻拳強諫楚
子不從臨之以兵

懼而從之遂自刎也張顥徐溫
以兵諫自文鬻拳之罪人也

諸將不與之同者顥

溫稍以濫誅之於是軍政悉歸二人渥不能制

為顥
溫弑

大渥張

初梁王以河北諸鎮皆服惟幽滄未下故大

舉伐之欲以堅諸鎮之心既而潞州內叛王燒營而

還

事見上卷天祐三年還從宣翻又如字

威望大沮

沮在呂翻

恐中外因此

離心欲速受禪以鎮之丁亥王入館于魏

館古玩翻

有疾

臥府中羅紹威恐王襲之入見王曰今四方稱兵爲

王患者皆以翼戴唐室爲名王不如早滅唐以絕人

望王雖不許而心德之乃亟歸

亟紀力翻

壬寅至大梁甲

辰唐昭宣帝遣御史大夫薛貽矩至大梁勞王

勞力到翻

貽矩請以臣禮見

見賢遍翻

王揖之升階貽矩曰殿下功

德在人三靈改卜

三靈天地人之靈也言天地人之靈皆已去唐室改卜君而命之

皇帝方行舜禹之事臣安敢違乃北面拜舞於庭王

側身避之貽矩還言於帝曰元帥有受禪之意矣帝

乃下詔帝皆謂唐昭宣帝元帥謂梁王以二月禪位于梁又遣宰相

以書諭王王辭河東兵猶屯長子欲窺澤州九域志長

子西南至澤州一百四十里王命保平節度使康懷貞悉發京兆

同華之兵屯晉州以備之宋太宗皇帝太平興國元年始改保義軍爲保平軍

避藩邸舊名也此因史臣避廟諱而書之然觀令康懷貞發京兆同華兵屯晉州則恐自鄜州而東發兩

鎮兵屯晉州蓋懷貞若自邢州發京兆同華兵道里隔涉邢州與潞州相近亦當備河東兵之來無緣使

懷貞離邢州而屯晉州竊謂保平亦當作保大據歐史懷英傳亦書保義蓋以美原之捷方除保義節朱

全忠急於篡唐未暇舉兵攻潞州自備而已故潞州益得以嚴備二月唐大臣其

通鑑卷之六十六 後梁紀一 太祖

奏請昭宣帝遜位王子詔宰相帥百官詣元帥府勸

進梁王建元帥府于大梁相帥讀曰率王遣使卻之於是朝臣藩鎮乃

至湖南嶺南上牋勸進者相繼朝直遙翻上時掌翻三月癸

未王以亳州刺史李思安為北路行軍都統將兵擊

幽州擊劉仁恭也庚寅唐昭宣帝詔薛貽矩再詣大梁

諭禪位之意又詔禮部尚書蘇循齋百官牋詣大梁

鎮海鎮東節度使吳王錢鏐遣其子傳瓌傳瓘討

盧佶於溫州瓌力小翻又力弔翻佶其吉翻甲辰唐昭宣帝降御

札禪位于梁考異曰實錄薛居正五代史唐餘錄皆云四月唐帝御札敕宰臣張文蔚等

備法駕奉迎梁朝而無日五代通錄云四月丁未丁未四月一日也舊唐書云三月甲辰甲辰三月二十

七日也唐年補錄三月二十七日甲子降此御札四月戊辰朱全忠卽位尤爲差誤按此年三月戊寅朔

四月丁未朔以攝中書令張文蔚爲冊禮使禮部尙

書蘇循副之冊禮使奉傳禪冊寶押攝侍中楊涉爲

押傳國寶使唐有傳國入寶武后惡璽字改爲寶其受命傳國入寶並改離寶字翰林

學士張策副之御史大夫薛貽矩爲押金寶使唐六

天子入寶其用以玉其封以泥皇尙書左丞趙光逢

副之帥百官備灑駕詣大梁唐六典大駕備五輅五

車記里鼓車白鷺車鷲旗車辟惡車皮軒車金根車

安車四望車羊車黃鉞車豹尾車屬車一十有二若楊涉子直史館凝

式貞觀三年置史館於門下省以它官兼領之或卑

位有才者亦以直館稱以宰相澄修撰天寶後它

官兼史職者曰史館修撰初入爲直館元和元年宰
臣裴均建議登朝領史職者爲修撰以官高人判館
事未登朝言於涉曰大人爲唐宰相而國家至此不
者爲直館

可謂之無過況手持天子璽綬與人雖保富貴柰干

載何盍辭之

璽斯氏翻綬音受載子亥翻考異曰陶岳五代史補曰疑式恐事泄卽曰佯

在時謂之風子按周世宗實錄凝式本傳仕梁未嘗有疾唐同光初知制誥始以心疾罷明宗時及情泰帝未俱以心恙罷官天福初致仕在洛有風子之號非梁初佯狂也今不取涉大駭曰汝

滅吾族神色爲之不寧者數日

楊涉之相也知必爲凝式之累今乃駭凝

式之言何邪爲于僞翻

策敦煌人

敦徒門翻光逢隱之子也

趙隱見二百五

十二卷懿宗咸通之十三年

盧龍節度使劉仁恭驕侈貪暴常

慮幽州城不固築館於大安山

薛史幽州西有曰此名山曰大安山

山四面懸絕可以少制眾其棟宇壯麗擬於帝者選

美女實其中與方士鍊丹藥求不死悉斂境內錢瘞

於山顛令民間用堊泥爲錢

瘞於計翻堊几隱
翻堊泥黏土也

又禁

江南茶商無得入境自采山中草木爲茶鬻之仁恭

有愛妾羅氏其子守光通焉仁恭杖守光而斥之不

以爲子數

不齒之於
諸子之列

李思安引兵入其境所過焚蕩

無餘夏四月己酉直抵幽州城下仁恭猶在大安山

城中無備幾至不守

幾居
依翻

守光自外引兵入登城拒

守又出兵與思安戰思安敗退守光遂自稱節度使

令部將李小喜元行欽將兵攻大安山仁恭遣兵拒

戰爲小喜所敗

敗補

虜仁恭以歸囚於別室仁恭將

佐及左右凡守光素所惡者皆殺之

惡烏路翻

銀胡鞞都

指揮使王思同帥部兵三千

鞞盧谷翻胡鞞箭室也帥讀日率

山後

八軍巡檢使李承約帥部兵二千

盧龍以媯檀新武四州爲山後

河東

奔李克用

守光弟守奇奔契丹未幾亦奔河東

豈居

爲劉守奇引河東兵伐燕張本

河東節度使晉王克用以承約爲匡

霸指揮使思同爲飛騰指揮使思同母仁恭之女也

匡霸飛騰皆晉王所置軍都之號

梁王始御金祥殿

王溥五代會要梁受禪都

大梁改正衙殿爲崇元殿東殿爲玄德殿內殿爲金祥殿萬歲堂爲萬歲殿門如殿名薛史曰梁自謂以

金德王又以福建上獻鸚鵡諸州相繼上白烏白兔泊白蓮之合蒂者以爲金行應運之兆故名殿曰金

解受百官稱臣此梁所自置百官也下書稱教令自稱曰寡人

辛亥令諸牋表簿籍皆去唐年號但稱月日去羌呂翻丙

辰張文蔚等至大梁盧佶聞錢傳璿等將至將水

軍拒之於青澳青澳在溫州東北海中俗謂之青澳門由青澳門而進舟則入溫州其外

則大洋也澳鳥到副海之隈厓曰澳錢傳瓘曰佶之精兵盡在於此不

可與戰乃自安固捨舟閒道襲溫州安南後漢之章安也閒古莧翻

戊午溫州潰擒佶斬之天祐二年盧佶陷溫州至是敗亡吳王鏐以

都監使吳璋爲溫州制置使監古街翻命傳璿等移兵討

盧約於處州壬戌梁王更名晃更上衡翻薛史曰時將受禪下教以

本名二字異帝王之稱故改名王兄全昱聞王將卽帝位謂王曰朱

三爾可作天子乎甲子張文蔚楊涉乘輅自上源驛

從冊寶諸司各備儀衛鹵簿前導百官從其後此唐之百

官從才用翻至金祥殿前陳之王被袞冕被皮義翻卽皇帝位

張文蔚蘇循奉冊升殿進讀楊涉張策薛貽矩趙光

逢以次奉寶升殿讀已已者畢也降帥百官舞蹈稱賀帥讀

日率帝遂與文蔚等宴於玄德殿帝舉酒曰朕輔政未

久此皆諸公推戴之力文蔚等慙懼俯伏不能對獨

蘇循薛貽矩及刑部尙書張禕禕許韋翻盛稱帝功德宜

應天順人帝復與宗戚飲博於宮中宗同姓也戚異姓之親也復扶

又酒酣朱全昱忽以投瓊擊盆中迸散鮑宏博經曰楚辭琨蔽象

碁有六博現蔽玉箸也各投六箸行六碁故云六博
用十二碁六碁白六碁黑所擲頭謂之瓊邊有五采
刻爲一畫者謂之塞刻爲兩畫者謂之白刻爲三畫
謂之黑不刻者五塞之間謂之五塞據歐史此所謂
投瓊卽散子也北孟翻考異曰王仁裕玉堂閑
話曰散子數極廣王全昱忽駐不擲顧而白梁祖再
呼朱三梁祖動容廣王曰你愛它爾許大官職久遠
家族得安否於是大怒擲戲具於階下抵其盆而碎
之暗鳴毗誑數日不止今睨帝曰朱三汝本碣山一
從王禹稱五代史闕文

民也從黃巢爲盜天子用汝爲四鎮節度使梁王始兼四鎮

見二百六十二卷富貴極矣柰何一旦滅唐家三百

年社稷唐武德元年受禪歲在著雍攝提格禪位自

稱帝王行當族滅奚以博爲帝不懌而罷乙丑命有

司告天地宗廟社稷丁卯遣使宣諭州鎮皆言受禪於唐也

戊辰大赦

考異曰梁實錄編遺錄薛史唐餘錄皆不云大赦今從歐陽史

改元

開國號大梁奉唐昭宣帝爲濟陰王

曹州濟陰郡濟子禮翻

皆

如前代故事唐中外舊臣官爵並如故以汴州爲開

封府命曰東都以故東都爲西都廢故西京以京兆

府爲大安府置佑國軍於大安府

唐以長安爲西京洛陽爲東京今梁

都大梁在洛陽之東故以洛陽爲西都大梁爲東都而以長安爲大安府

更名魏博曰天

雄軍

通鑑二百六十四卷昭宗天祐元年四月已書更命魏博曰天雄軍蓋亦出朱全忠之意此複

出也但未知更軍額的在何年更工衡翻

遷濟陰王于曹州椿之以棘

左

傳語椿在甸翻圍也使甲士守之

辛未以武安節度使馬殷

爲楚王

馬殷不由郡王徑封國王卽位之初特恩也

以宣武掌書記太

府卿敬翔知崇政院事

梁崇政院卽唐樞密院之職後遂廢樞密院入崇政院

以備顧問參謀議於禁中承上旨宣於宰相而行之

宰相非進對時有所奏請及已受旨應復請者皆具

記事因崇政院以聞得旨則復宣於宰相翔爲人沈

深

沈持林翻

有智略在幕府三十餘年

僖宗光啟間敬翔入汴幕至此時二

十年史誤以二十爲三十耳

軍謀民政帝一以委之翔盡心勤勞

晝夜不寐自言惟馬上乃得休息帝性暴戾難近

近其

斬人莫能測惟翔能識其意趣或有所不可翔未嘗

顯言但微示持疑帝意已悟多爲之改易

爲于僞翻禪代

之際翔謀居多

追尊皇高祖考妣以來皆爲帝后

五代會要梁以舜臣朱虎爲始祖四十二代至黠追
尊肅祖宣元皇帝妃范氏諡宣僖皇后黠子茂琳諡
敬祖光獻皇帝妃楊氏諡孝皇后茂琳子信諡
憲祖昭武皇帝妃劉氏諡昭懿皇后信子誠 皇考

誠爲烈祖文穆皇帝妣王氏爲文惠皇后 初帝爲

四鎮節度使凡倉庫之籍置建昌院以領之至是以

養子宣武節度副使友文爲開封尹判院事掌凡國

之金穀友文本康氏子也 乙亥下制削奪李克用

官爵李克用稱唐官用唐年號豈梁得而削奪之哉史姑書梁之初政耳是時惟河東

鳳翔淮南稱天祐西川稱天復年號天復四年梁王劫唐昭宗遷洛

改元曰天祐河東西川謂劫天子遷都者梁也天祐
非唐號不可稱乃稱天復五年是歲梁滅唐河東稱

天祐四年西餘皆稟梁正朔稱臣奉貢蜀王與弘農
川仍稱天復

王移檄諸道

淮南楊渥爵弘農王

云欲與岐王晉王會兵興復

唐室卒無應者

卒子恤翻

蜀王乃謀稱帝下教諭統內吏

民又遺晉王書云

遺唯季翻

請各帝一方俟朱溫既平乃

訪唐宗室立之退歸藩服晉王復書不許曰誓於此

生靡敢失節

史言李克用雖出於夷狄而終身為唐臣亦天性之忠純也

唐末之

誅宦官也詔書至河東晉王匿監軍張承業於斛律

寺斬罪人以應詔

見二百六十四卷唐昭宗天復三年斛律寺蓋高齊建霸府於晉陽

斛律氏貴盛時所立

至是復以爲監軍待之加厚承業亦爲之

竭力

爲于偽翻

岐王治軍甚寬待士卒簡易

治直之翻易以鼓翻有

告部將苻昭反者岐王直詣其家悉去左右熟寢經

宿而還

還從宣翻

由是眾心悅服然御軍無紀律及聞唐

亡以兵嬴地楚

嬴倫為翻

不敢稱帝但開岐王府置百官

名其所居為宮殿妻稱皇后

李茂貞自為岐王而妻稱皇后妻之貴踰於其

夫矣卒伍之雄乘時竊號私立名

字以相署置豈可與之言禮乎哉將吏上書稱牋表

鞭扇號令多擬帝者

鞭鳴鞭扇雉尾扇也唐制天子視朝從禁中出則鳴鞭傳警既

出西序門索扇扇合天子升御座扇開百官畢朝

鎮海節度判官羅隱說吳

王鏐舉兵討梁

說式芮翻

曰縱無成功猶可退保杭越自

為東帝柰何交臂事賊為終古之羞乎鏐始以隱為

不遇於唐必有怨心及聞其言雖不能用心甚義之

五月丁丑朔以御使大夫薛貽矩為中書侍郎同

平章事 加武順節度使趙王王鎔守太師天雄節

度使鄴王羅紹威守太傅義武節度使王處直兼侍

中 契丹遣其臣袍笏梅老來通好好呼帝遣太府

少卿高順報之頡渠初契丹有八部歐陽修曰契丹

後分爲八部一曰但利皆部二曰乙室活部三曰實

活部四曰納尾部五曰頻沒部六曰內會雜部七曰

集解部八曰奚盭部部之長號大人路振九國志契

丹古匈奴之種也代居遼澤之中潢水南岸南距榆

關一千一百里榆關南距幽州七百里 考異曰蘇

逢吉漢高祖實錄曰契丹本姓大賀氏後分八族一

曰利皆部二曰乙失活部三曰實活部四曰納尾部

五曰頻沒部六曰丙內會雜部七曰集解部八曰奚盭

部管縣四十一縣有令八族之長皆號大人稱刺史

常推一人爲王建旂鼓以尊之每三年第其名以相

代莊宗列傳曰咸通末其王曰習爾疆土稍大累來

朝貢光啟中其王曰欽德乘中原多故北邊無備遂

通鑑二百六十六 後梁紀二 太祖

贊食諸部達旦奚室韋之屬咸被驅役漢高祖實錄
唐餘錄皆曰僖昭之際其王邪律阿保機怙強恃勇
距諸族不受代自號天皇王後諸族邀之請用舊制
保機不得已傳旗鼓且曰我爲長九年所得漢人順
眾欲以古漢城領本族率漢人守之自爲一部諸部
諾之俄設策復併諸族僭稱皇帝土地日廣大順中
後唐武皇遣使與之連和大會於雲州東城延之帳
中約爲昆弟莊宗列傳又曰及欽德政衰阿保機族
盛自稱國王天祐二年大寇我雲中太祖遣使連和
因與之面會於雲州東城延入帳中約爲兄弟謂曰
唐室爲賊臣所篡吾以今冬大舉弟助我精騎二萬
同收汴洛保機許諾保機既還欽德以國事傳之賈
緯備史云武皇會保機故雲州城結以兄弟之好時
列兵相去五里使人馬上持杯往來以展酬酢之禮
保機喜謂武皇曰我蕃中酋長舊法三年則罷若它
日見公復相禮否武皇曰我受朝命鎮太原亦有遷
移之制但不受代則可何憂罷乎保機由此用其教
不受諸族之代趙志忠虞庭雜紀云太祖諱億番名
阿保謹父諱幹里太祖生而智入部落主愛其雄勇
遂退其主阿輦氏歸本部立太祖爲王又云凡立王

則眾部酋長皆集會議其有德行功業者立之或災
害不生羣牧孳盛人民安堵則王更不替代苟不然
其諸酋會眾部別選一名爲王故王以番法亦甘心
退焉不爲眾所害又曰有韓知古韓穎康枚王奏事
王郁皆中國人共勸太祖不受代新唐書載契丹八
部名與漢高祖實錄所載八部名多不同蓋年紀相
遠虜語不常耳其實一也阿保機云我爲長九年則
其在國不受代久矣非因武皇之教也今從漢高祖
實錄又唐餘錄前云乾寧中劉仁恭鎮幽州保機入
寇仁恭擒其妻兄述律阿鉢由此十餘年不能犯塞
下乃云大順中與武皇會於雲中按大順在乾寧前
乾寧二年仁恭方爲幽州節度大順中末也又武皇
謂曰唐室爲賊臣所篡吾以今冬大舉此非大順中
事唐餘錄誤也又編遺錄開平二年五月契丹王阿
保機及前國王欽德貢方
物然則於時七部猶在也

部各有大人相與約推一
人爲王建旗鼓以號令諸部每三年則以次相代咸
通未有習爾者爲王土宇始大其後欽德爲王乘中

原多故時入盜邊及阿保機爲王尤雄勇五姓奚

五姓

奚一阿會部二處和部三奧失部四度稽部五元俟折部各有辱紇主爲之酋領歐陽修曰奚當唐末畧陰涼川在營府之西幽州之西北皆數百里分爲五部一曰阿蒼部二曰噉米部三曰粵質部四曰怒皆部五曰黑訖支部後徙居幽州之東北數百里宋白曰奚居陰涼川東去營府五百里西南去幽州九百里東南接海山川三及七姓室韋

室韋本有二十餘部其近契丹者七

姓達靺咸役屬之阿保機姓邪律氏

歐史四夷附錄曰阿保機以其

所居橫帳地名爲姓曰世里世里譯者謂之邪律

恃其疆不肯受代久之阿

保機擊黃頭室韋還七部劫之於境上求如約

如三年一

代之阿保機不得已傳旗鼓且曰我爲王九年得漢

人多請帥種落

帥讀曰率種章勇翻

居古漢城與漢人守之別

自爲一部七部許之漢城故後魏滑鹽縣也

漢志滑鹽縣屬

漁陽郡後漢明帝改曰鹽田水經注太榆河自密雲城南東南流逕後魏安州舊漁陽郡之滑鹽縣南滑鹽世謂之斛鹽城西北去禦夷鎮三百里歐陽修曰漢城在炭山東南樂河上宋白日契丹居遼澤之中潢水南岸遼澤去渝關一千一百三十里渝關去幽州一百七十四里其地東南接海東際遼河西包冷陁北界松陁山東西三千里地多松柳澤多蒲葦阿保機居漢城在檀州西北五百五十里城北有龍門山山北有炭山炭山西是契丹室韋二界相連之地其地灤河上源西有鹽泊之利則後魏滑鹽縣也

地宜五穀有鹽池之利其後阿保機稍以兵擊滅七

部復併爲一國又北侵室韋女真

女真肅慎氏之遺種黑水靺鞨卽其

地也入遼東舊籍者號熟女真界外野處者號生女真極邊遠者號黃頭女真西取突厥故

地擊奚滅之復立奚王而使契丹監其兵

監古衙東北

諸夷皆畏服之是歲阿保機帥眾三十萬寇雲州晉

王與之連和面會東城約爲兄弟延之帳中縱酒握

手盡歡約以今冬共擊梁

考異曰唐太祖紀年錄太祖以阿保機族黨稍盛

召之天祐二年五月阿保機領其部族三十萬至雲

州東城帳中言事握手甚歡約爲兄弟旬日而去雷

男骨都舍利首領沮粟梅爲質約冬初大舉渡河反

正會昭宗遇盜而止歐陽史曰梁將篡唐晉王李克

用使人聘於契丹阿保機以兵三十萬會克用於雲

州東城握手約爲兄弟期共舉兵擊梁按雲州之會

莊宗列傳薛史皆在天祐四年而紀年錄獨在天祐
二年又云約今年冬同收汴洛會昭宗遇盜而止如
此則應在天祐元年昭宗崩已前不應在二年也且
昭宗遇盜則尤宜興兵討之何故止也唐室爲賊臣
所篡此乃四年語也其冬武皇寢疾蓋以此不果出
兵耳今從之或勸晉王因其來可擒也王曰讎敵未滅而失信夷狄自亡之道也阿

保機畱旬日乃去晉王贈以金繒數萬阿保機畱馬

三千匹雜畜萬計以酬之阿保機歸而背盟更附于

梁

繒慈陵翻畜許救翻背蒲妹翻更工衡翻遣使通好是附梁也

晉王由是恨之

通鑑

於唐紀書李克用君臣之分也於梁紀書晉王敵國之體也吳蜀義例同

己卯以河南

尹兼河陽節度使張全義爲魏王鎮海鎮東節度使

吳王錢鏐爲吳越王加清海節度使劉隱威武節度

王審知兼侍中

威武節度之下當有使字

仍以隱爲大彭王

自宋武帝

以彭城之裔興於江南後多以彭城之劉爲名族劉隱封大彭王意蓋取此

癸未以權知

荆南畱後高季昌爲節度使荆南舊統八州

荆歸夔夔忠萬

禮廟其八州

乾符以來寇亂相繼諸州皆爲鄰道所據獨

餘江陵季昌到官城邑殘毀戶口彫耗季昌安集流

散民皆復業 乙酉立兄全昱為廣王子友文為博

王友珪為郢王友璋為福王友貞為均王友雍為賀

王友徽為建王友文以養子居諸子之上友珪弑逆禍胎於此 辛卯以東

都舊第為建昌宮改判建昌院事為建昌宮使薛史曰初

帝創業之時以四鎮兵馬倉庫籍繁總因置建昌院以領之至是改為宮蓋重其事也宋白曰是年中書

門下奏改判建昌院事為建昌宮使仍請在京上舊邸為建昌宮 壬辰命保平節

度使康懷貞將兵八萬會魏博兵攻潞州攻晉將李嗣昭也

甲午詔廢樞密院其職事皆入於崇政院以知院

事敬翔為院使考異曰實錄四月辛未以翔知崇政院事五月甲午詔樞密院宜加為

崇政院始命翔爲院使蓋崇政院之名先已
禮部

有之至是始併樞密院職事悉歸崇政院耳
尚書蘇循及其子起居郎楷自謂有功于梁

唐昭宣帝天祐

二年蘇循鼓成禪代之事故自以爲有功當不次擢用循朝夕望爲相帝

薄其爲人舊帝書唐紀昭宣帝天祐二年蘇楷上議駁昭宗諡全忠雄猜鑿物自楷駁諡後深

鄙之既傳代之後父子皆斥逐不令在朝敬翔及殿中監李振亦鄙之翔

言於帝曰蘇循唐之鴟梟賣國求利不可以立於惟

新之朝朝直戊戌詔循及刑部尚書張禕等十五人

並勒致仕楷斥歸田里循父子乃之河中依朱友謙

爲同光之初蘇循盧約以處州降吳越僖宗中利

諂唐莊宗張本據處州至是而元年盧約弘農王以鄂岳觀察使劉存爲西

亡降戶江翻

弘農王以鄂岳觀察使劉存爲西

南面都招討使岳州刺史陳知新爲岳州團練使廬

州觀察使劉威爲應援使別將許玄應爲監軍將水

軍三萬以擊楚楚王馬殷甚懼靜江軍使楊定真賀

曰我軍勝矣殷問其故定真曰夫戰懼則勝驕則敗

今淮南兵直趨吾城趨七險翻是驕而輕敵也而王有懼

色吾是以知其必勝也殷命在城都指揮使秦彥暉

在城都指揮使盡統潭州在城之兵將水軍三萬浮江而下水軍副指

揮使黃璠帥戰艦三百屯瀏陽口吳分長沙置瀏陽縣隋廢景龍二年

於故城復置屬潭州九域志縣在州東北一百六十

里水經注湘水北過漢臨湘縣西瀏水從縣西北流

注之有瀏口成璠孚袁翻瀏力周翻六月存等遇大雨引兵還至越堤

北彥暉追之存數戰不利乃遺殷書詐降

數所角翻遺唯季翻

彥暉使謂殷曰此必詐也勿受存與彥暉夾水而陳

陳讀曰陣

存遙呼曰

呼火故翻

殷降不祥公獨不爲子孫計耶

彥暉曰賊入吾境而不擊奚顧子孫鼓譟而進存等走黃璠自瀏陽絕江與彥暉合擊大破之執存及知

新

考異曰編遺錄天祐四年四月湖南軍陳邵告捷淮南朗州水陸合勢奔衝其境馬殷出舟師於

瀏陽口大破賊黨生擒僞鄂州節度使劉存按薛史梁紀馬殷奏破淮寇在六月十國紀年吳史劉存攻

楚在五月敗在六月楚史亦然編遺錄誤也

裨將死者百餘人士卒死者

以萬數獲戰艦八百艘威以餘眾遁歸彥暉遂拔岳

州

陳知新取岳州見上卷上殷釋存知新之縛慰諭

之二人皆罵曰丈夫以死報主肯事賊乎遂斬之

史言

劉存陳知新忠壯

許玄應弘農王之腹心也常預政事張顥

徐溫因其敗收斬之 楚王殷遣兵會吉州刺史彭

玕攻洪州不克

彭玕附楚見上卷唐昭宣帝天祐三年

康懷貞至潞

州晉昭義節度使李嗣昭副使李嗣弼閉城拒守懷

貞晝夜攻之半月不克乃築壘穿蚰蜒塹而守之

塹七

翻豔內外斷絕晉王以蕃漢都指揮使周德威爲行營

都指揮使

周德威蓋統蕃漢之兵河東大將也

帥馬軍都指揮使李嗣

本馬步都虞候李存璋先鋒指揮使史建瑭鐵林都

指揮使安元信

五季之世諸鎮各有都指揮使而命官之職分有不同者如周德威蕃漢

部指揮使則蕃漢之兵皆受指揮也行營部指揮使則行營兵皆受指揮也鐵林部指揮使安元信則鐵林軍部之指揮使耳讀史者宜各以其義類求之橫衝指揮使李嗣源騎將

安金全救潞州

史言晉頓國救潞州帥讀曰率

嗣弼克修之子

克修晉王

之弟見唐僖宗紀

嗣本本姓張建塘敬思之子

史敬思見二百五十五卷

和四年

金全代北人也

晉兵攻澤州

澤州以擬康懷貞

後帝遣左神勇軍使范居實將兵救之

甲寅以平

盧節度使韓建守司徒同平章事

武貞節度使雷

彥恭會楚兵攻江陵荆南節度使高季昌引兵屯公

安

公安漢孱陵縣漢末劉備屯於此改名公安唐屬江陵府九域志在府南九十里

絕其糧

道彥恭敗楚兵亦走

劉守光既囚其父

事見上自

禪盧龍雷後遣使請命秋七月甲午以守光爲盧龍

節度使同平章事 靜海節度使曲裕卒

曲裕卽曲承裕丙

申以其子權知雷後顯爲節度使

考異曰諸書不見顯於裕何親按

薛史六月丙辰裕卒七月丙申以靜海行營司馬權知雷後曲顯起復爲安南都護充節度使旣云起復

知其子也一行營當作行軍 雷彥恭攻岳州不克

雷彥恭旣與楚攻荆南尋

又攻楚岳州可見其反覆矣 丙午賜河南尹張全義名宗奭

帝

名全忠故更全義名宗奭 辛亥以吳越王鏐兼淮南節度使楚

王殷兼武昌節度使各充本道招討制置使

欲使兩浙湖南

攻弘農王楊渥先分救以楊氏所統二鎮 晉周德威壁於高河

高河在潞州屯

雷縣東南 康懷貞遣親騎都頭秦武將兵擊之武敗

親騎梁之

親兵馬軍也 丁巳帝以亳州刺史李思安代懷貞爲潞州

行營都統黜懷貞爲行營都虞候思安將河北兵西

上上黨地高在河北諸鎮之西故曰西上上時掌翻至潞州城下更築重城

重直龍翻內以防奔突外以拒援兵謂之夾寨調山東民

饋軍糧德威日以輕騎抄之調徒弔翻抄楚交翻思安乃自東

南山口築甬道屬於夾寨屬之欲翻德威與諸將互往攻

之排牆填塹一晝夜間數十發梁兵疲於奔命夾寨

中出芻牧者德威輒抄之於是梁兵閉壁不出 九

月雷彥恭攻潯陽公安九域志江陵府公安縣有潯陽鎮潯鋤針翻高季

昌擊敗之敗補邁翻彥恭貪殘類其父雷彥恭滿之子也專以焚

掠爲事荆湖閒常被其患被皮義翻又附於淮南丙申詔

削彥恭官爵命季昌與楚王殷討之蜀王會將佐

議稱帝皆曰大王雖忠於唐唐已亡矣此所謂天與

不取者也馮涓獨獻議請以蜀王稱制曰朝興則未

爽稱臣朝直遙翻爽乖也言若唐朝復興則爲臣之節未乖也賊在則不同爲

惡王不從涓杜門不出馮涓馮宿之孫於唐室既亡之後義存故主眠韋莊張格

輩有王用安撫副使掌書記韋莊之謀帥吏民哭三

日帥讀已亥卽皇帝位王建字光圖許州舞陽人考異曰莊宗列傳太祖厭代

建自帝於成都年號武成薛史唐餘錄天祐五年九月建自帝於成都年號武成九國志此年七月卽皇

帝位明年改元宋庠紀年通譜天祐四年秋稱帝次年改元歐陽史十國紀年天復七年九月卽位明年

改元今國號大蜀辛丑以前東川節度使兼侍中王從之

宗佶爲中書令韋莊爲左散騎常侍判中書門下事

閬州防禦使唐道襲爲內樞密使莊見素之孫也

韋見

素天寶之末爲相蜀主雖目不知書好與書生談論

好呼粗到翻粗

曉其理粗坐五翻是時唐衣冠之族多避亂在蜀蜀主禮

而用之使修舉故事故其典章文物有唐之遺風

史言

蜀主起於卒伍而能親用儒生蜀主長子校書郎宗仁幼以疾廢立

其次子祕書少監宗懿爲遂王冬十月高季昌遣

其將倪可福會楚將秦彥暉攻朗州雷彥恭遣使乞

降於淮南且告急弘農王遣將冷業將水軍屯平江

冷盧經翻姓也平江縣本漢羅縣地後漢分立漢昌縣孫吳立漢昌郡後又爲吳昌縣隋省唐神龍元年分湘陰置昌江縣屬岳州五代改曰平江蓋後唐既滅梁楚人爲之避廟諱昌字也九域志平江縣在岳州東南二百五十七里

李饒將步騎屯瀏陽以救之楚王殷遣

岳州刺史許德勳將兵拒之冷業進屯朗口

朗水西南自辰

城入大江謂之朗口德勳使善游者五十人以木枝

葉覆其首覆扶又翻持長刀浮江而下夜犯其營且舉火

業軍中驚擾德勳以大軍進擊大破之追至鹿角鎮

擒業又破瀏陽寨擒李饒掠上高唐年而歸

唐天寶二年開

斬業饒於長沙市十一月甲申夾馬

山洞置唐年縣屬鄂州

指揮使尹皓攻晉江猪嶺寨拔之

梁西都有夾馬營江猪嶺在潞州長

指揮使尹皓攻晉江猪嶺寨拔之

平縣西由北路達鵬窠嶺

義昌節度使劉守文聞其弟守光幽

其父集將吏大哭曰不意吾家生此梟獍

梟聖堯翻不孝鳥也

食母獍讀如鏡破鏡惡獸也食父

吾生不如死誓與諸君討之乃發

兵擊守光互有勝負天雄節度使鄴王紹威謂其下

曰守光以窘急歸國

窘巨隕翻謂上七月劉守光遣使請命也

守文孤立

無援滄州可不戰服也乃遣守文書

遣唯季翻諭以禍福

守文亦恐梁乘虛襲其後戊子遣使請降以子延祐

為質帝附手曰紹威折簡勝十萬兵

質音致折之舌翻

加守

文中書令撫納之

初帝在藩鎮用灑嚴將校有戰

沒者所部兵悉斬之謂之跋隊斬

將即亮翻校戶教翻跋十未翻又蒲

未翻士卒失主將者多亡逸不敢歸帝乃命凡軍士皆

文其面以記軍號軍士或思鄉里逃去關津輒執之

關往來必由之要處津濟度必由之要處

送所屬無不死者其鄉里亦不

敢容由是亡者皆聚山澤爲盜大爲州縣之患壬寅

詔赦其罪自今雖文面亦聽還鄉里盜減什七八

淮南右都押牙米志誠等將兵度淮襲潁州克其外

郭刺史張實據子城拒守晉王命李存璋攻晉州

以分上黨兵勢十二月壬戌詔河中陝州發兵救之

陝失再翻

甲子詔發步騎五千救潁州米志誠等引去

丁卯晉兵寇洛州

此救潞州之遊兵也

淮南兵攻信州刺

史危仔倡求救於吳越

危全諷以仔倡守信州之地
仔子之翻倡音昌又尺亮翻

二年春正月癸酉朔蜀主登興義樓有僧抉一目以

獻蜀主命飯僧萬人以報之

抉於決翻
飯扶晚翻

翰林學士張

格曰小人無故自殘赦其罪已幸矣不立復崇獎以

貶風俗

復扶又翻
敗補邁翻

蜀主乃止

丁丑蜀以韋莊爲門

下侍郎同平章事

辛巳蜀主祀南郊壬午大赦改

元武成

晉王疽發於首病篤周德威等退屯亂柳

亂柳在潞州
屯雷縣界

晉王命其弟內外蕃漢都知兵馬使振

武節度使克寧監軍張承業大將李存璋吳琪

琪居
勇翻

掌書記盧質立其子晉州刺史存勛爲嗣

考異曰
五代史闕

文世傳武皇臨薨以三矢付莊宗曰一矢討劉仁恭
汝不先下幽州河南未可圖也一笑擊契丹且曰阿
保機與吾把臂而盟結爲兄弟誓復唐家社稷今背
約附梁汝必伐之一矢滅朱溫汝能成善志死無恨
矣莊宗藏三矢於武皇廟庭及討劉仁恭命幕吏以
少牢告廟請一矢盛以錦囊使親將負之以爲前驅
凱旋之日隨俘獻納矢於太廟伐契丹滅朱氏亦如
之按薛史契丹傳莊宗初嗣位亦遣使告哀賂以金
縮求騎軍以救潞州契丹答其使曰我與先王爲兄
弟兒卽吾兒也寧有父不救子邪許出師會潞平而
止廣本劉守光爲守文所攻屢求救於晉晉王遣將
部兵五千救之然則此時莊宗未與契丹及守光爲
仇也此蓋後人因莊宗成功撰此事以誇其英武耳
余按晉王實怨燕與契丹垂沒以屬莊宗容有此
理莊宗之告哀於阿保機與遣兵救劉守光此兵法
所謂將欲取之必固與之也其心豈忘父之治命哉
觀後來之

事可見矣

曰此子志氣遠大必能成吾事爾曹善教

導之辛卯晉王謂存勳曰嗣昭厄於重圍

謂李嗣昭爲梁兵圍

於潞州也
重直龍翻

吾不及見矣俟葬畢汝與德威輩速竭力

救之又謂克寧等曰以亞子累汝

累良
瑞翻

亞子存勛小

名也言終而卒

年五
十三

克寧綱紀軍府中外無敢誼譁

克寧久總兵柄有次立之勢

兄死弟及以長幼
之次有自立之勢

時上

黨圍未解軍中以存勛年少多竊議者人情怊怊

少
詩

照翻怊
許勇翻

存勛懼以位讓克寧克寧曰汝冢嗣也且有

先王之命誰敢違之將吏欲謁見存勛

見賢
遍翻

存勛方

哀哭未出張承業入謂存勛曰大孝在不墜基業多

哭何爲因扶存勛出襲位爲河東節度使晉王

張承
業之

扶李存勳出嗣位猶
張昭之於孫權也

李克寧首帥諸將拜賀

帥讀
日率王

悉以軍府事委之以李存璋爲河東軍城使馬步都

虞候先王之時多寵借胡人及軍士侵擾市肆

先王謂李

克用存璋旣領職執其尤暴橫者戮之

橫戶孟翻

旬月閒城

中肅然 吳越王鏐遣兵攻淮南甘露鎮以救信州

牽制淮南之兵使之不得急攻危仔倡蜀中書令王宗佶於諸假子

爲最長

王宗佶本姓甘王建爲忠武軍卒掠得之養以爲子及長爲將數有功長知兩翻

且

恃其功專權驕恣唐道襲已爲樞密使宗佶猶以名

呼之道襲心銜之而事之逾謹宗佶多樹黨友蜀主

亦惡之

惡鳥路翻

二月甲辰以宗佶爲太師罷政事

爲王宗佶

見殺張本蜀以戶部侍郎張格爲中書侍郎同平章事

格爲相多迎合主意有勝己者必以計排去之

去羌呂翻

爲張格亂蜀張本

初晉王克用多養軍中壯士爲子寵遇

如真子及晉王存勳立諸假子皆年長握兵心怏怏

不伏

長知兩翻怏於兩翻

或託疾不出或見新王不拜李克寧

權位既重人情多向之假子李存顯陰說克寧曰

說式

芮翻

兄終弟及自古有之

殷人之制兄終弟及自周以來父子相繼未有能易

之者也李存顯以殷制動克寧耳

以叔拜姪於理安乎天與不取後

悔無及克寧曰吾家世以慈孝聞天下

聞音問

先王之

業苟有所歸吾復何求

復扶又翻

汝勿妄言我且斬汝克

寧妻孟氏素剛悍

悍下罕翻又侯肝翻

諸假子各遣其妻人說

孟氏

李克用義兒百餘人必不盡然獨存顯等爲此耳史槩言之曰諸假子

孟氏以爲

然且慮語泄及禍數以迫克寧克寧性怯朝夕惑於

眾言心不能無動又與張承業李存璋相失數謂讓

之

數所角翻謂才笑翻

又因事擅殺都虞候李存質又求領大

同節度使以蔚朔應州爲巡屬

唐未置應州領金城混源二縣蔚紆勿翻

晉王皆聽之李存顯等爲克寧謀因晉王過其第爲于

爲翻過音戈

殺承業存璋奉克寧爲節度使舉河東九州

附於梁

河東領并遼沁汾石忻代嵐憲九州

執晉王及太夫人曹氏送

大梁太原人史敬鎔少事晉王克用居帳下見親信

少詩照翻

克寧欲知府中陰事召敬鎔密以謀告之敬鎔

陽許之人告太夫人太夫人大駭召張承業指晉王
謂之曰先王把此兒臂授公等如聞外間謀欲負之
但置吾母子有地勿送大梁自它不以累公

累力承
瑞翻

業惶恐曰老奴以死奉先王之命此何言也晉王以
克寧之謀告且曰至親不可自相魚肉吾苟避位則
亂不作矣承業曰克寧欲投大王母子於虎口不除
之豈有全理乃召李存璋吳琪及假子李存敬長直
軍使朱守殷使陰爲之備壬戌置酒會諸將於府舍
伏甲執克寧存顯於座晉王流涕數之曰

數所
具翻兒歸

以軍府讓叔父叔父不取今事已定柰何復爲此謀

復扶又忍以吾母子遺仇讎乎

遺唯季翻仇讎謂梁也

克寧曰

此皆讒人交構夫復何言是日殺克寧及存顯

李克寧之

奉存勛初焉非不忠順其後外搖於讒口內溺於俾妻以至變節而殺其身地親而屬尊者居主少國疑

之時可不戒哉

癸亥酖殺濟陰王於曹州追諡曰唐哀皇

帝

年十七葬于濟陰縣之定陶鄉濟子禮翻

甲子蜀兵入歸州

歸州荆南巡屬

不地曰入言入之而不能有其地

執刺史張瑋

辛未以韓建爲侍

中兼建昌宮使

李思安等攻潞州久不下士卒疲

弊多逃亡晉兵猶屯余吾寨

前漢書地理志上黨郡有余吾縣章懷太子賢

曰余吾故城在潞州屯留縣西北

帝疑晉王克用詐死欲召兵還恐

晉人躡之乃議自至澤州應接歸師且召匡國節度

使劉知俊將兵趣澤州

趣七
諭翻

三月壬申朔帝發大梁

丁丑次澤州辛巳劉知俊至壬午以知俊爲潞州行

營招討使癸巳門下侍郎同平章事張文蔚卒

蔚
紆

勿
翻帝以李思安久無功亡將校四十餘人士卒以

萬計更閉壁自守遣使召詣行在甲午削思安官爵

勒歸本貫充役

充役使充
齊民之役

斬監押楊敏貞晉李嗣昭

固守踰年

前年十二月李嗣昭入潞州去年五月康
懷貞始攻之至夾寨破則是年五月也

城中資用將竭嗣昭登城宴諸將作樂流矢中嗣昭

足

矢中竹
仲翻

嗣昭密拔之座中皆不覺

李嗣昭登城宴
樂示敵以餘暇

也中矢而密拔
之所以安眾也帝數遣使賜嗣昭詔諭降之

數所
角翻嗣

昭焚詔書斬使者帝畱澤州旬餘欲召上黨兵還遣

使就與諸將議之諸將以爲李克用死余吾兵且退

上黨孤城無援請更畱旬月以俟之夾寨之敗正坐此也帝從

之命增運芻糧以饋其軍劉知俊將精兵萬餘人擊

晉軍斬獲甚眾劉知俊之小捷所以驕梁兵而穢之也天之厭梁于此可見表請

自畱攻上黨車駕宜還京師帝以關中空虛慮岐人

侵同華岐人謂李茂貞之兵命知俊休兵長子旬日退屯晉州

俟五月歸鎮蜀太師王宗佶既罷相怨望陰畜養

死士謀作亂畜呼玉翻上表以爲臣官預大臣親則長子

長知兩翻國家之事休戚是同今儲貳未定必生厲階陛

下若以宗懿才堪繼承宜早行冊禮以臣爲元帥兼
總六軍儻以時方艱難宗懿冲幼臣安敢持謙不當
重事陛下旣正位南面軍旅之事宜委之臣下臣請
開元帥府鑄六軍印征戍徵發臣悉專行太子視膳
於晨昏微臣握兵於環衛萬世基業惟陛下裁之蜀
主怒隱忍未發以問唐道襲對曰宗佶威望內外懾
服足以統御諸將蜀主益疑之已亥宗佶入見

見賢
遍翻

辭色悖慢

悖蒲妹翻
又蒲沒翻

蜀主諭之宗佶不退蜀主不堪

其忿命衛士撲殺之

撲弼角翻以華洪之得眾心猶
不免於禍況甘佶之驕恃輕視

哉其死
宜矣

貶其黨御史中丞鄭騫爲維州司戶衛尉少

卿李鋼爲汶川尉

鋼古郎翻汶川漢綿虜地晉置汶川縣唐屬茂州九域志在州南一

百里玉壘山石紐山皆在縣界汶讀曰岷

皆賜死於路初晉王克用卒

周德威握重兵在外國人皆疑之晉王存勳召德威

使引兵還

還從宣翻又如字

夏四月辛丑朔德威至晉陽畱

兵城外獨徒步而入伏先王柩哭極哀退謁嗣王禮

葛恭眾心由是釋然

史言周德威臨敵勇而事上敬

癸卯門下侍

郎同平章事楊涉罷爲右僕射以吏部侍郎于兢爲

中書侍郎翰林學士承旨張策爲刑部侍郎並同平

章事兢琮之兄子也

于琮見唐宣紀僖紀

夾寨奏余吾晉兵

已引去帝以援兵不能復來

復扶又翻下同

潞州必可取丙

午自澤州南還王子至大梁梁兵在夾寨者亦不復

設備

兵不可以無備也有備無患今梁之爲兵也主驕於上將惰于下其敗宜矣

晉王與

諸將謀曰上黨河東之藩蔽無上黨是無河東也

潞州

上黨郡

且朱溫所憚者獨先王耳聞吾新立以爲童子

未閑軍旅也閑習也必有驕怠之心若簡精兵倍道越之

趣七喻翻下同出其不意破之必矣取威定霸左傳晉先軫之言在

此一舉不可失也張承業亦勸之行乃遣承業及判

官王緘乞師於鳳翔岐王李茂貞據鳳翔又遣使賂契丹王阿

保機求騎兵岐王衰老兵弱財竭竟不能應晉王大

閱士卒以前昭義節度使丁會爲都招討使丁會以潞州降

晉見二百六十四卷
唐昭宣帝天祐三年

甲子帥周德威等發晉陽

帥讀日率

淮南遣兵寇石首

唐武德四年分華容縣置石首縣取縣北石首山而名屬江陵

府九域志在府東南二百里孫鑑曰自安陸至竟陵兩驛皆平地南至大江並無丘陵之阻度江至石首

始有淺山謂之竟陵陵至此而竟謂之石首石至此而首也

襄州兵敗之於澧港

澧士咸翻敗補邁翻下同

又遣其將李厚將水軍萬五千趣荆南

高季昌逆戰敗之於馬頭

荆南治江陵在江西南岸曰馬頭岸正對沙市

己巳晉王軍於黃碾距上黨四十五里

黃碾村在潞州潞城縣碾

紐善翻

五月辛未朔晉王伏兵三垂岡下

三垂岡在屯留縣東南

詰旦大霧

詰去吉翻

進兵直抵夾寨梁軍無斥候不意晉

兵之至將士尙未起軍中驚擾晉王命周德威李嗣

源分兵爲二道德威攻西北隅嗣源攻東北隅填塹

燒寨鼓譟而入梁兵大潰南走招討使符道昭馬倒

爲晉人所殺失亡將校士卒以萬計校戶委弃資糧

器械山積周德威等至城下呼李嗣昭曰先王已薨

今王自來破賊夾寨賊已去矣可開門嗣昭不信曰

此必爲賊所得使來誑我耳欲射之誑居況翻射而亦翻左右

止之嗣昭曰王果來可見乎王自往呼之嗣昭見王

白服大慟幾絕氣幾絕也城中皆哭遂開門初德威

與嗣昭有隙晉王克用臨終謂晉王存勳曰進通忠

孝吾愛之深今不出重圍重直豈德威不忘舊怨邪

汝爲吾以此意諭之若潞圍不解吾死不瞑目

爲于
僞翻

暝莫定翻
閉目也

進通嗣昭小名也晉王存勗以告德威德

威感泣由是戰夾寨甚力旣與嗣昭相見遂歡好如

初

好呼
到翻

康懷貞以百餘騎自天井關遁歸帝聞夾寨

不守大驚旣而歎曰生子當如李亞子克用爲不亡

矣至如吾兒豚犬耳詔所在安集散兵周德威李存

璋乘勝進趣澤州

越七
喻翻

刺史王班素失人心眾不爲

用龍虎統軍牛存節自西都將兵應接夾寨潰兵

龍
虎

軍卽唐龍武軍號梁受唐禪改武爲虎王溥五代會
要曰開平元年四月改左右長直爲左右龍虎軍又

梁以洛陽
爲西都

至天井關謂其眾曰澤州要害地不可失

也雖無詔旨當救之眾皆不欲曰晉人勝氣方銳且

眾寡不敵存節曰見危不救非義也畏敵彊而避之

非勇也遂舉策引眾而前策馬策也至澤州城中人已縱

火誼譟欲應晉王班閉身城自守存節至乃定異日考

歐陽史云存節從康懷貞攻潞州爲行營排陳使晉兵已破夾城存節以餘兵歸行至天井關聞晉兵攻

澤州而救之梁列傳澤州將陷河南尹張宗奭召龍虎統軍牛存節謀之存節帥本軍及右神武羽林等

軍往應按上黨回師至天井關卽引眾前救澤州薛史亦同按存節若自夾城遁歸則先過澤州後至天

井關豈得已過而返救之也今從梁列傳及薛史晉兵尋至緣城穿地道攻

之存節晝夜拒戰凡旬有三日劉知俊自晉州引兵

救之先是命劉知俊休兵晉州九域志德威焚攻具

晉州東南至澤州三百一十里

退保高平

高平漢汝氏縣地後魏置高平縣唐屬澤州九域志在州東北八十三里 考異曰

莊宗列傳云李存璋進攻澤州刺史王班棄城而去澤潞皆平今不取

晉王歸晉陽休

兵行賞以周德威爲振武節度使同平章事命州縣

舉賢才黜貪殘寬租賦撫孤窮伸冤濫禁姦盜境內

大治

治直吏翻

以河東地狹兵少乃訓練士卒令騎兵不

見敵無得乘馬部分已定無得相踰越及畱絕以避

險

分扶問翻踰越謂左軍不得越右軍後部不得踰前部之類畱絕謂軍行須聯屬不得或畱止而中

絕或避險而不整

分道並進期會無得差晷刻

後期必斬軍法也晷居消

翻日景也期以日中日晷過中而不至則爲差餘以類推晷夜分百刻

犯者必斬故能

兼山東取河南由士卒精整故也初晉王克用平王

行瑜

見二百六十卷唐昭宗乾寧二年

唐昭宗許其承制封拜時方

鎮多行墨制王恥與之同每除吏必表聞至是晉王

存勛始承制除吏晉王德張承業

德其除李克寧之難

以兄事

之每至其第升堂拜母賜遺甚厚

遺唯季翻

潞州圍守歷

年士民凍餒死者太半市里蕭條李嗣昭勸課農桑

寬租緩刑數年之間軍城完復

史究言李嗣昭鎮潞之績效

靜

江節度使同平章事李瓊卒

李瓊取靜江見二百六十二卷唐昭宗光化三

年楚王殷以其弟永州刺史存知桂州事

壬申更

以許州忠武軍爲匡國軍同州匡國軍爲忠武軍陝

州保義軍爲鎮國軍

更工衡翻陝失冉翻

乙亥楚兵寇鄂州

淮南所署知州秦裴擊破之 淮南左身指揮使張

顥右身指揮使徐溫專制軍政弘農威王心不能平

楊渥諡威王 欲去之而未能去羌呂翻二人不自安其謀弑王

分其地以臣於梁戊寅顥遣其黨紀祥等弑王於寢

室考異曰吳錄顥使紀祥陳暉黎瑤孫殷等執渥于寢室弑之不言徐溫蓋徐鉉爲溫諱耳薛史因

之而江南別錄有獨用左衙兵事歐陽史云溫顥其遣盜殺渥約分其地以臣於梁按溫與顥分掌牙兵

溫若不同謀顥必不敢獨弑渥今從江南別錄十國紀年張顥欲稱淮南畱後送款於梁以淮南南易蔡州

節制徐溫曰揚州距汴州往返僅二千里軍府踰月無主必亂不若有所立然後圖之按顥稱畱後則有

主矣今 詐云暴薨年十三己卯顥集將吏於府庭夾道

及庭中堂上各列白刃令諸將悉去衛從然後入去羌

呂翻從才用翻顥厲聲問曰嗣王已薨軍府誰當主之三問

莫應顥氣色益怒幕僚嚴可求前密啟曰軍府至大

四境多虞非公主之不可然今日則恐太速顥曰何

謂速也可求曰劉威陶雅李遇李簡劉威在廬州陶雅在歙州李遇

在宣州李簡在常州皆先王之等夷公今自立此曹肯爲公下

乎不若立幼主輔之諸將孰敢不從顥默然久之可

求因屏左右屏必郢翻又卑正翻急書一紙置袖中麾同列詣

使宅賀節度使所居爲使宅賀者欲賀新君使疏吏翻眾莫測其所爲旣至

可求跪讀之乃太夫人史氏教也按路振九國志渥母史氏封武昌郡

君蓋渥嗣位後尊爲太夫人大要言先王創業艱難此一段凡言先王皆指楊

行密嗣王不幸早世隆演次當立諸將宜無負楊氏善

輔導之辭旨明切顯氣色皆沮以其義正不敢奪遂

奉威王弟隆演稱淮南畱後東面諸道行營都統

楊隆

演字鴻源行密第三子薛史及路振九國志皆以隆演爲渭既罷副都統朱瑾詣

可求所居曰瑾年十六七卽橫戈躍馬衝犯大敵未

嘗畏懾懾之涉翻今日對顯不覺流汗公面折之如無人

折之舌翻乃知瑾匹夫之勇不及公遠矣因以兄事之顯

以徐溫爲浙西觀察使鎮潤州嚴可求說溫曰說式茂翻

下同公捨身兵而出外藩顯必以弑君之罪歸公溫驚

曰然則柰何可求曰顯剛愎而暗於事公能見聽請

爲公圖之

懷蒲逼翻
爲于僞翻

時副使李承嗣

李承嗣時爲淮
南行軍副使

參預軍府之政可求又說承嗣曰顥凶威如此今出

徐於外意不徒然恐亦非公之利承嗣深然之可求

往見顥曰公出徐公于外人皆言公欲奪其兵權而

殺之多言亦可畏也顥曰右牙欲之

右牙者以
官稱徐溫

非吾

意也業已行矣

事已成
爲業

柰何可求曰止之易耳

易以
鼓翻

明日可求邀顥及承嗣俱詣溫可求瞋目責溫曰

昌

眞古人不忘一飯之恩況公楊氏宿將今幼嗣初立

多事之時乃求自安於外可乎溫謝曰苟諸公見容

溫何敢自專由是不行顥知可求陰附溫夜遣盜刺

之刺七亦翻可求知不免請爲書辭府主

府主謂隆演也

盜執刀

臨之可求操筆無懼色

操七刃翻

盜能辨字見其辭旨忠

壯曰公長者

長知兩翻

吾不忍殺掠其財以復命曰捕之

不獲顯怒曰吾欲得可求首何用財爲溫與可求謀

誅顯可求曰非鍾泰章不可泰章者合肥人時爲左

監門衛將軍

考異曰吳紀作鍾章十國紀年作鍾泰章今從之溫使親將翟

虔告之

翟直格翻姓也

泰章聞之喜密結壯士三十人夜刺

血相飲爲誓

刺七亦翻飲于禁翻

丁亥旦直入斬顯於牙堂

牙堂

左右牙指揮使治事之所

并其親近溫始暴顯弑君之罪

暴者發露其罪

音如輶紀祥等於市

輶音患車裂也

詣西宮白太夫人

廣陵西宮

揚行密妃史
夫人居之

太夫人恐懼大泣曰吾兒冲幼禍難如

此難乃
旦翻

願保百口歸廬州公之惠也溫曰張顥弑逆

不可不誅夫人宜自安初溫與顥謀弑威王溫曰參

用左右身兵心必不一不若獨用吾兵顥不可溫曰

然則獨用公兵顥從之至是窮治逆黨皆左身兵也

由是人以溫爲實不知謀也

原情定罪徐溫宜與張
顥同科而徐溫得免弑

君之名遂專吳國之政
殆天啟之也治直之翻

隆演以溫爲左右身都指揮

使軍府事咸取決焉以嚴可求爲揚州司馬溫性沈

毅沈持
林翻

自奉簡儉雖不知書使人讀獄訟之辭而決

之皆中情理

中竹
仲翻

先是張顥用事

先悉
薦翻

刑罰酷濫縱

親兵剽奪市里

剽匹 妙翻

溫謂嚴可求曰大事已定吾與

公輩當力行善政使人解衣而寢耳乃立灑度禁彊

暴舉大綱軍民安之

古人有言盜亦有道然盜貨者小盜也盜國者大盜也觀徐溫

之盜國斯言豈欺我哉

溫以軍旅委嚴可求以財賦委支計官

駱知祥

支計官猶天臺度支郎之任也

皆稱其職

稱尺 證翻

淮南謂之嚴

駱 己丑契丹主阿保機遣使隨高順入貢

高順報使契丹

見上年五月

且求冊命

夷狄覘國勢而爲去來彼以梁爲彊則其背晉宐矣

帝復遣

司農卿渾特

復扶又翻渾特人姓名 渾戶昆翻又戶本翻

賜以手詔約其

滅沙陀乃行封冊

壬辰夾寨諸將詣闕待罪皆赦

之 夾寨以辛未敗壬辰諸將方詣闕待罪經二十二日

帝賞牛存節全澤州之

功以爲六軍馬步都指揮使 雷彥恭引沅江環朗

州以自守 沅水逕朗州城南去城二十步 環音宦 秦彥暉頓兵月餘不

戰彥恭守備稍懈 懈古隘翻 彥暉使裨將曹德昌帥壯士

夜入自水竇 帥讀日幸 內外舉火相應城中驚亂彥暉鼓

譟壞門而入 壞音怪 彥恭輕舟奔廣陵 雷滿唐僖宗中和元年據朗州

傳至彥恭而亡 考異曰梁太祖實錄云丁酉朗州軍前奏捷彥恭沒溺于江今從紀年 彥暉虜

其弟彥雄送于大梁淮南以彥恭爲節度副使先是

澧州刺史向瓌與彥恭相表裏至是亦降於楚 向瓌亦以

中和元年 楚始得澧朗二州 其後破楚者亦澧朗之兵也 蜀主

遣將將兵會岐兵五萬攻雍州 梁受禪改京兆府爲雍州大安府雍於用

晉張承業亦將兵應之六月壬寅以劉知俊爲西

路行營都招討使以拒之金吾上將軍王師範家

於洛陽朱友寧之妻泣訴於帝曰陛下化家爲國宗

族皆蒙榮寵妾夫獨不幸因王師範叛逆死於戰場

朱友寧死見二百六十四卷唐昭宗天復三年今仇讎猶在妾誠痛之帝曰

朕幾忘此賊幾居依翻己酉遣使就洛陽族之使者先繫

阮於第側乃宣敕告之師範盛陳宴具與宗族列坐

謂使者曰死者人所不免況有罪乎予不欲使積尸

長幼無序酒旣行命自幼及長引於阮中戮之死者

凡二百人丙辰劉知俊及佑國節度使王重師大

破岐兵于幕谷

幕谷卽漠谷

晉蜀兵皆引歸

蜀立遂王

宗懿爲太子

爲宗懿不終張本

帝欲自將擊潞州丁卯詔

會諸道兵

湖南判官高郁請聽民自采茶賣於北

客收其征以贍軍楚王殷從之秋七月殷奏於汴荆

襄唐郢復州置回圖務

回圖務猶今之回易場也

運茶於河南北

賣之以易繒纊戰馬而歸

繒慈陵翻纊苦謫翻

仍歲貢茶二十

五萬斤詔許之湖南由是富贍

壬申淮南將吏請

於李儼承制授楊隆演淮南節度使東面諸道行營

都統同平章事弘農王

李儼承制事始二百六十年三卷唐昭宗天復二年

鍾

秦章賞薄

殺張顥之賞也

秦章未嘗自言後踰年因醉與諸

通鑑三百六十一卷後漢紀一
三
將爭言而及之或告徐溫以秦章怨望請誅之溫曰
是吾過也擢爲滁州刺史

資治通鑑卷第二百六十六

資治通鑑卷第二百六十七

端明殿學士兼翰林侍讀學士太中大夫提舉西京嵩山崇福宮上柱國河內郡開國公食邑二千六百戶食實封一千戶賜紫金魚袋臣司馬光奉勅編集

後學 天台胡三省 音注

後梁紀二

起著雍執徐八月盡重光協洽二月凡二年有奇

太祖神武元聖孝皇帝中

開平二年八月吳越王鏐遣寧國節度使王景仁奉

表詣大梁

王茂章奔兩浙見二百六十五卷唐昭宣帝天祐三年

陳取淮南之

策景仁卽茂章也避梁諱改焉

帝曾祖諱茂琳按薛史梁紀元年六月司

天監上言請改月辰丙戌字爲武避諱也

淮南遣步軍都指揮使周本南

面統軍使呂師造擊吳越九月圍蘇州吳越將張仁

保攻常州之東洲拔之

宋白曰通州海門縣東南南隔水二百餘里本東洲鎮淮

南兵死者萬餘人淮南以池州團練使陳璋爲水陸

行營都招討使帥柴再用等諸將救東洲

帥諱曰率

大破

仁保於魚蕩復取東洲

復扶又翻

柴再用方戰舟壞長稍

浮之僅而得濟

稍所角翻

家人爲之飯僧千人再用悉取

其食以犒部兵

爲于僞翻飯扶晚翻犒苦到翻

曰士卒濟我僧何力

焉史言柴再用善養士卒而不惑於異端

丙子蜀立皇后周氏后許

州人也

周氏蓋蜀主建
槽糠之妻也

晉周德威李嗣昭將兵三

萬出陰地關攻晉州刺史徐懷玉拒守帝自將救之

丁丑發大梁乙酉至陝州

將卽亮翻
陝式冉翻

戊子岐王所署

延州節度使胡敬瑋寇上平關

金人疆域圖隰州石樓縣有上平關按延

州東至隰州百三十里耳
胡敬瑋蓋度河來寇也

劉知俊擊破之周德威等

聞帝將至乙未退保隰州

九域志晉州西北至隰州二百五十五里

荆

南節度使高季昌遣兵屯漢口

漢口漢水入江之口
其地在鄂州漢陽縣

東大別山下

絕楚朝貢之路楚王殷遣其將許德勳將水

軍擊之至沙頭

沙頭卽今江陵城南沙頭市

季昌懼而請和殷又

遣步軍都指揮使呂師周將兵擊嶺南

呂師周降馬殷見上卷元

年與清海節度使劉隱十餘戰取昭賀梧州蒙龔富六

州蒙州隋始安郡之隋化縣唐武德四年置南恭州貞觀二年更名蒙州龔州本漢猛陵縣地隋爲永

平郡武林縣唐貞觀三年置龔州七年移龔州於今州東仍於龔州舊所置龔州又武德四年以始安郡

之龍平豪靜及蒼梧郡之蒼梧置富州九域志昭州東至賀州三百二十五里南至梧州四百九十里南

稍斜至龔州五百五十里宋開寶廢富州以龍平縣隸昭州在州東南百六十二里熙寧五年廢蒙州以

立山縣隸昭州在州南二百一十二里殷士字旣廣乃養士息民湖南遂

安冬十月蜀主立後宮張氏爲貴妃徐氏爲賢妃

其妹爲德妃張氏鄭人宗諡之母也鄭漢縣唐帶梓州二徐

耕之女也徐耕見二百五十八卷唐昭宗大順二年爲徐妃亡蜀張本華原賊

帥溫韜聚眾嵯峨山帥所類翻嵯才何翻峨音俄暴掠雍州諸縣

唐帝諸陵發之殆徧

溫韜傳韜在華原七年唐諸陵在其境內者悉發掘之取其所以

藏金寶而昭陵最固韜從堯道下見宮室制度闕麗不異人間中爲正寢東西廂列石牀牀上石函中爲鐵匣悉藏前代圖書鍾王筆迹紙墨如新韜悉取之遂傳人間惟乾陵風雨不可發雍於用翻

庚

戊蜀主講武於星宿山步騎三十萬

宿音秀

丁巳帝

還大梁

乙卯考異曰編遺錄在乙卯今從實錄薛史

辛酉以劉隱爲清海

靜海節度使

兼交廣二鎮也然劉氏終不能有安南

以膳部郎中趙光

裔右補闕李殷衡充官告使隱皆畱之

史言羣雄割據各收拾衣

冠之胃以爲用

光裔光逢之弟殷衡德裕之孫也

依政進

士梁震

依政秦蒲陽縣漢臨邛縣後魏置蒲陽郡及依政縣唐屬邛州九域志在州東南五十里

唐末登第至是歸蜀過江陵高季昌愛其才識畱之

欲奏爲判官震恥之

高季昌出於奴僕故
梁震恥爲之僚屬

欲去恐及

禍乃曰震素不慕榮官明公不以震爲愚必欲使之

參謀議但以白衣侍樽俎可也何必在幕府季昌許

之震終身止稱前進士不受高氏辟署季昌甚重之

以爲謀主呼曰先輩

唐人呼進士爲
先輩至今猶然

帝從吳越王

鏐之請以亳州團練使寇彥卿爲東南面行營都指

揮使擊淮南十一月彥卿帥眾三千襲霍丘

帥讀
日率爲

土豪朱景所敗

敗補邁
翻下同

又攻廬壽二州皆不勝淮南

遣滁州刺史史儼拒之彥卿引歸

寇彥卿兵勢已挫
而史儼河東健將

汴兵所畏也故
聞其至而退

定難節度使李思諫卒

難乃
旦翻甲戌

其子彝昌自爲畱後 劉守文舉滄德兵攻幽州劉

守光求救於晉晉王遣兵五千助之丁亥守文兵至

盧臺軍盧臺軍宋爲乾寧軍地九域志爲守光所敗

又戰玉田亦敗玉田漢無終縣唐萬歲通天元年更名玉田屬薊州在薊州東南八十里

又東北至平州二百里西至幽州二百里亦敗讀如字守文乃還還從宣翻又如字

癸巳中書侍郎同平章事張策以刑部尙書致仕以

左僕射楊涉同平章事 保塞節度使胡敬璋卒靜

難節度使李繼徽以其將劉萬子代鎮延州保塞靜難二鎮

時皆屬岐是歲弘農王遣軍將萬全感齋書閒道詣晉

及岐告以嗣位閒古覓翻岐晉淮南之與國 帝將遷都洛陽

三年春正月己巳遷太廟神主於洛陽甲戌帝發大

梁壬申以博王友文爲東都留守

梁以大梁爲東都

己卯帝

至洛陽庚寅饗太廟辛巳祀園丘大赦丙申以用

度稍充初給百官全俸

唐自廣明喪亂以來百官俸料額存而已至是復全給

二月丁酉朔日有食之保塞節度使劉萬子暴

虐失眾心且謀貳於梁李繼徽使延州牙將李延實

圖之延實因萬子葬胡敬璋攻而殺之遂據延州馬

軍都指揮使河西高萬興與其弟萬金聞變以其眾

數千人詣劉知俊降

爲高萬興兄弟取鄜延張本

岐王置翟州於

鄜城

後魏置敷城郡及敷城縣隋改曰鄜城唐屬坊州九域志縣在鄜州東一百二十里翟徒歷翻

其守將亦降 三月甲戌帝發洛陽以山南東道節

度使楊師厚兼潞州四面行營招討使 庚辰帝至

河中發步騎會高萬興兵取丹延宋白曰丹州秦上郡地苻姚時爲三

堡鎮後魏大統三年割鄭延二州地置汾州理三堡鎮廢帝以河東汾州同名改爲丹州因丹楊川以爲

名延州頭并以董賢爲翟王都高奴卽其地魏滅赫連以爲統萬鎮後爲東夏州後改延州 丙

戌以朔方節度使兼中書令韓遜爲潁川王遜本靈

州牙校校戶教翻唐末據本鎮朝廷因而授以節鉞 辛

卯丹州刺史崔公實請降丹州堡塞軍巡屬 徐溫以金陵

形勝戰艦所聚艦戶難翻乃自以淮南行軍副使領昇州

刺史畱廣陵以其假子元從指揮使知誥爲昇州防

遏兼樓船副使往治之

從才用翻治直之翻爲徐知誥完埋昇州徐溫遂居之張

本

夏四月丙申朔劉知俊移軍攻延州李延實嬰

城自守知俊遣白水鎮使劉儒分兵圍坊州

後魏太和二年

分澄城置白水郡及縣隋廢郡以縣屬馮翊唐屬同州九域志在州西北一百二十里

庚子

以王審知爲閩王劉隱爲南平王劉知俊克延州

李延實降

降戶江翻

淮南兵圍蘇州推洞屋攻城

推吐雷翻

洞屋以木撐柱爲之冒以牛皮其狀如洞

吳越將臨海孫瑒置輪於竿首

垂纆投錐以揭之攻者盡露礮至則張網以拒之

登翻揭巨傑翻與砲同匹鏡翻

淮南人不能克吳越王鏐遣身內

指揮使錢鏐

鏐甫招翻

行軍副使杜建徽等將兵救之蘇

州有水通城中淮南張網綴鈴懸水中魚鼈過皆知

之吳越遊奕都虞候司馬福欲潛行入城故以竿觸

網敵聞鈴聲舉網福因得過凡居水中三日乃得入

城由是城中號令與援兵相應敵以爲神吳越王鏐

嘗遊府園見園卒陸仁章樹藝有智而志之

志者記之於心

及蘇州被圍被皮義翻使仁章通信入城果得報而返鏐

以諸孫畜之畜吁玉翻養也累遷兩府軍糧都監使

兩府鎮海鎮東

兩節度府卒獲其用卒子恤翻仁章睦州人也辛亥吳越兵內

外合擊淮南兵大破之擒其將何朗等三十餘人奪

戰艦二百艘

艘蘇遭翻

周本夜遁又追敗之於皇天蕩

此皇

天蕩非眞州大江中之皇天蕩按宋熙寧三年平江府崑山縣人郝直上奏言水利長洲縣界有長蕩皇

也天蕩此則是也敗補邁翻 鍾秦章將精兵二百爲殿殿丁練翻多樹旗

幟於菰蔣中菰卽蔣也追兵不敢進而還還從宣翻

岐王所署保大節度使李彥博考異曰編遺錄五代史作彥容今

從劉恕廣本坊州刺史李彥昱皆棄城奔鳳翔邠州都將

嚴弘倚舉城降邠音夫己未以高萬興爲保塞節度使

以絳州刺史牛存節爲保大節度使梁遂取邠坊丹延兩鎮

淮南初置選舉以駱知祥掌之喪亂以來選舉之法廢楊氏能復置之故

書 五月丁卯帝命劉知俊乘勝取邠州知俊難之

李繼徽據邠州有鳳翔之援故劉知俊以取之爲難辭以闕食乃召還 佑國

節度使王重師鎮長安數年帝在河中怒其貢奉不
時己巳召重師入朝以左龍虎統軍劉捍爲佑國留
後 癸酉帝發河中己卯至洛陽劉捍至長安王重

師不爲禮捍譖之於帝云重師潛與邠岐通甲申貶

重師溪州刺史尋賜自盡夷其族

爲劉知俊殺劉捍以叛張本

劉守文頻年攻劉守光不克

劉守文自元年攻守光事始見上卷

乃大

發兵以重賂招契丹吐谷渾之眾合四萬屯薊州守

光逆戰於雞蘇

按薛史梁紀是年劉守光上言於薊州西與兄守文戰生擒守文蓋卽雞

也爲守文所敗

敗補邁翻

守文單馬立於陳前

陳讀日陣

泣謂

其眾曰勿殺吾弟守光將元行欽識之直前擒之

劉守

光以子囚父天下之賊也劉守文既聲其罪而討之有誅無赦小不忍以敗大事身爲俘囚自取之也

滄德兵皆潰守光囚之別室梃以藜棘梃才旬翻乘

勝進攻滄州滄州節度判官呂覲孫鶴推守文子延

祚爲帥乘城拒守覲安次人也安次漢縣唐屬幽州在州東南一百三十

里帥所類翻忠武節度使兼侍中劉知俊去年更同州匡國軍爲忠

武軍事見上卷功名浸盛以帝猜忍日甚內不自安及王重

師誅知俊益懼帝將伐河東河東謂晉急徵知俊入朝欲

以爲河東西面行營都統且以知俊有丹延之功厚

賜之知俊弟右保勝指揮使知浣從帝在洛陽密使

人語知俊云語牛倨翻入必死又白帝請帥弟姪往迎知

俊帥讀帝許之六月乙未朔知俊奏爲軍民所留遂

以同州附於岐

考異曰實錄六月庚戌知俊據本郡反削奪官爵興師討伐編遺錄六月

月乙未初奏本道軍民遮留尋聞擒使臣及將送鳳翔蓋編遺據奏到之日實錄據削奪之日也執

監軍及將佐之不從者皆械送於岐遣兵襲華州逐

刺史蔡敬思

九域志同州南至華州七十里華戶化翻

以兵守潼關潛遣

人以重利陷長安諸將

陷徒濫翻

執劉捍送於岐殺之知

俊遣使請兵於岐亦遣使請晉人出兵攻晉絳遣晉

王書曰不過旬日可取兩京復唐社稷

遺唯季翻長安可以言取

梁都洛陽未易取也

丁未朔方節度使韓遜奏克鹽州斬岐

所署刺史李繼直

唐末鹽州奏事專達朝廷不隸靈夏至是靈鹽遂復合爲一鎮

帝遣近臣諭劉知俊曰朕待卿甚厚何忽相負對曰

臣不背德

背蒲
妹翻

但畏族滅如王重師耳帝復使謂之

曰

復扶
又翻

劉捍言重師陰結邠岐朕今悔之無及捍死

不足塞責

塞悉
則翻

知俊不報庚戌詔削知俊官爵以山

南東道節度使楊師厚爲西路行營招討使帥侍衛

馬步軍都指揮使劉鄩等討之

帥讀
日率

辛亥帝發洛陽

劉鄩至潼關東獲劉知俊伏路兵藺如海等三十人

釋之使爲前導

劉知俊旣得潼關於關外沿路伏兵
以俟望劉鄩反得而用之以爲嚮導

吏炤曰藺姓也其先韓獻子
玄孫曰康食采於藺因氏焉

劉知浣迷失道盤桓數

日乃至關下關吏納之如海等繼至關吏不知其已

被擒亦納之

被皮義翻

鄴兵乘門開直進遂克潼關追及

知浣擒之

癸丑帝至陝

陝式冉翻

丹州馬軍都頭王

行思等作亂刺史宋知誨逃歸

帝遣劉知俊姪嗣

業持詔詣同州招諭知俊知俊欲輕騎詣行在謝罪

弟知偃止之楊師厚等至華州知俊將聶賞開門降

聶尼輒翻姓也史炤曰楚大夫食采於聶因以爲氏知俊聞潼關不守官軍繼

至蒼黃失圖乙卯舉族奔岐楊師厚至長安岐兵已

據城師厚以奇兵並南山急趨自西門入遂克之

並步

浪翻按唐長安城十門西南三門惟延平門近南山耳長安既丘墟之餘且城大難守使楊師厚不以奇

兵入西門岐兵亦不能久也

庚申以劉鄩權佑國畱後岐王厚禮

劉知俊以爲中書令地狹無藩鎮處之

處昌呂翻

但厚給

俸祿而已

蹄浴不容尺鯉爲劉知俊奔蜀張本

劉守光遣使上表告

捷且言俟滄德事畢爲陛下埽平并寇

爲于偽翻河東并州之地

時與梁爲敵故言并寇

亦致書晉王云欲與之同破僞梁

劉守光反

覆梁晉之閒自以爲得計不知乃所以速亡也

撫州刺史危全諷自稱鎮

南節度使帥撫信袁吉之兵號十萬攻洪州

唐置鎮南軍於

洪州撫信袁吉皆巡屬也危全諷自稱節度舉兵以攻洪州欲兼而有之九域志撫州西北至洪州二百

九里帥讀曰率

淮南守兵纔千人將吏皆懼節度使劉威密

遣使告急於廣陵日召僚佐宴飲全諷聞之屯象身

潭不敢進

象身潭在撫州金溪縣東北

請兵於楚楚王殷遣指揮

使苑玫

苑姓也左傳齊有大夫苑何忌玫莫杯翻

會袁州刺史彭彥章圍

高安以助全諷玫蔡州人

玫莫杯翻

彥章珣之兄也

彭珣見二

百六十有五卷唐昭宣帝天祐三年

徐溫問將於嚴可求可求薦周本

乃以本爲西南面行營招討應援使將兵七千救高

安本以前攻蘇州無功

事見上四月

稱疾不出可求卽其

臥內強起之

強其兩翻

本曰蘇州之役敵不能勝我但主

將權輕耳今必見用願毋置副貳乃可求許之本

曰楚人爲全諷聲援耳非欲取高安也吾敗全諷

敗補

援兵必還

援兵謂圍高安之兵還從宣翻

乃疾趣象身潭

趣七喻翻過

洪州劉威欲犒軍

犒苦到翻

本不肯畱或曰全諷兵彊君

宜觀形勢然後進本曰賊眾十倍於我我軍聞之必
懼不若乘其銳而用之 秋七月甲子以劉守光爲

燕王 梁兵克丹州擒王行思 商州刺史李稠驅

士民西走將奔蜀也將吏追斬之考異曰薛史稠奔郡西奔本州將吏以都身

校李玫權知州事歐陽史商州軍亂逐其刺史李稠
稠奔于岐寶錄內寅陝州奏商州刺史李稠奔郡逃
山谷又曰商州將吏以稠驅虜士庶西遁追
斬無遺暫令都押身李玫主州事今從之推都押

身李玫主州事 庚午改佑國軍曰永平開平元年
徙佑國軍

於長安今
改曰永平河東兵寇晉州抄掠至堯祠而去堯都
平陽

有祠在汾城東十里東原上平
陽唐爲臨汾縣晉州所治也癸酉帝發陝州乙

亥至洛陽寢疾 初帝召山南東道節度使楊師厚

欲使督諸將攻潞州以前充海畱後王班爲畱後鎮

襄州

考異曰薛史作王珽今從實錄

師厚屢爲班言身兵王求等

凶悍宜備之

爲干偽翻

班自恃左右有壯士不以爲意每

眾辱之戊寅譏求戍西境是夕作亂殺班推都指揮

使雍丘劉玘爲畱後

雍於用翻玘區里翻

玘僞從之明日與指

揮使王延順逃詣帝所

考異曰姚顛明宗實錄薛史玘傳皆云翌日受賀衙庭

享士伏甲幕下中筵盡斬其亂將以聞以功爲復州

刺史按梁祖實錄八月丁酉賜玘王延順物以其違

逆將之難來歸編遺錄斬李洪等敕云始扶劉玘旣

奔竄以歸朝若使玘翌日便斬亂將襄州何由至九

月始收復蓋玘脫身歸朝及梁亡入唐妄云

斬亂將自誇大史官不能考察從而書之耳亂兵奉

平淮指揮使李洪爲畱後附於蜀未幾房州刺史楊

虔亦叛附于蜀

幾居豈翻

危全諷在象牙潭營柵臨溪

互數十里

互居鄧翻

庚辰周本隔溪布陳

陳讀日陣

先使羸兵

嘗敵

羸倫爲翻嘗試也

全諷兵涉溪追之本乘其半濟縱兵

擊之全諷兵大潰自相蹂藉

蹂忍久翻又如翻藉慈夜翻溺水死

者甚眾本分兵斷其歸路

斷音短

擒全諷及將士五千

人乘勝克袁州執刺史彭彥章進攻吉州

九域志袁州南至吉

州三百一十五里

歙州刺史陶雅使其子敬昭及都指揮使

徐章將兵襲饒信信州刺史危仔倡請降

唐僖宗中和二年危

全諷據撫州仔倡據信州至是皆亡

饒州刺史唐寶棄城走行營都指

揮使米志誠都尉呂師造等敗苑玫於上高

敗補吉邁翻

州刺史彭玕帥眾數千人奔走

唐昭宗天祐三年彭玕附楚

楚王

殷表玕爲郴州刺史

郴州林翻

爲子希範娶其女

爲干僞翻淮

南以左先鋒指揮使張景思知信州遣行營都虞候

骨言將兵五千送之

骨姓也唐初有骨儀

危仔倡聞兵至奔吳

越吳越王鏐以仔倡爲淮南節度副使更其姓曰元

氏

歐史十國世家曰錢鏐惡危姓更之曰元更工衡翻

危全諷至廣陵弘農王

以其嘗有德於武忠王釋之資給甚厚

楊行密諡武忠時淮南諸

將議曰昔先王攻趙鎰全諷屢饒給吾軍乃釋之

八月虔州刺史盧光稠以

州附于淮南於是江西之地盡入於楊氏光稠亦遣

使附於梁

甲寅上疾小瘳始復視朝

自七月乙亥寢疾至是凡

四十日朝直
遙翻下同

以鎮國節度使康懷貞爲西路行營

副招討使

蜀主命太子宗懿判六軍開永和府妙

選朝士爲僚屬

辛酉均州刺史張敬方奏克房州

楊虔以房州附蜀見上九域志
均州南至房州二百一十五里

岐王欲遣劉知俊

將兵攻靈夏

夏戶雅翻

且約晉王使攻晉絳晉王引兵南

下先遣周德威等將兵出陰地關攻晉州刺史邊繼

威悉力固守晉兵穿地道陷城二十餘步城中血戰

拒之一夕城復成詔楊師厚將兵救晉州周德威以

騎扼蒙阮之險

蒙阮在汾水東東西三百餘里蹊徑不通

師厚擊破之進

抵晉州晉兵解圍遁去

考異曰實錄云殺戮生擒賊將蕭萬通等賊由是奔塞

而遁莊宗實錄云汴軍至蒙阮周德威逆戰敗之斬首二百級師厚退絳州是役也小將蕭萬通戰沒師厚進營平陽德威收軍而退二軍各言勝捷然既設蕭萬通師厚何肯退保絳州既敗而退豈得復進營平陽德威既戰勝安肯便收軍蓋晉軍實敗走莊宗實錄妄言耳

李洪寇荆南高

季昌遣其將倪可福擊敗之

敗補

詔馬步都指揮使

陳暉將兵會荆南兵討洪

蜀主以御史中丞王錯

爲中書侍郎同平章事

錯苦
駭翻

陳暉軍至襄州李洪

逆戰大敗王求死九月丁酉拔其城斬叛兵千人執

李洪楊虔等送洛陽斬之

丁未以保義節度使王

檀爲潞州東面行營招討使

劉守光奏遣其子中

軍兵馬使繼威安撫滄州吏民戊申以繼威爲義昌

留後 辛亥侍中韓建罷守太保左僕射同平章事

楊涉罷守本官以太常卿趙光逢爲中書侍郎翰林

奉旨工部侍郎杜曉爲戶部侍郎並同平章事

梁改翰林

承旨爲翰林奉旨以廟諱誠避嫌諱也然誠字與承字各自翻切不同 曉讓能之子也

杜讓能死國難見二百五十九卷唐昭宗景福二年 淮南遣使者張知遠修

好於福建好呼到翻知遠倨慢閩王審知斬之表上其書

上時始與淮南絕審知性儉約常躡麻履躡尼府舍

卑陋未嘗營葺寬刑薄賦公私富實境內以安歲自

海道登萊入貢沒溺者什四五自福建入貢大梁陸行當由彌信取饒池

界度江取舒廬壽度淮而後入梁境然自信饒至廬壽皆屬楊氏而朱楊爲世仇不可得而假道故航海

入貢今自福州洋過溫州洋取台州洋過天門山入
明州象山洋過涪江掠洌港直東北度大洋抵登萊
岸風濤至險故沒溺者眾
冬十月甲子蜀司天監胡秀林獻永

昌麻行之

歐陽脩曰永昌麻止行於其國今亡不復見

湖州刺史高澧

性凶忍嘗召州吏議曰吾欲盡殺百姓可乎吏曰如
此租賦何從出當擇可殺者殺之耳時澧糾民爲兵

有言其咨怨者澧悉集民兵于開元寺

開元寺今諸州間亦有之

蓋唐開元中所置也

給云犒享人則殺之死者踰半在外者覺

之縱火作亂澧閉城大索

索山客翻

凡殺三千人吳越王

鏐欲誅之戊辰澧以州叛附于淮南

高澧父子以一州之地介居錢

揚之閒率兩附以自存爲日久矣今專附淮南錢氏之兵至矣

舉兵焚義和臨平鎮

九域志杭州仁和县有臨平鎮按仁和縣本錢塘縣
宋朝太平興國初改錢塘縣曰仁和蓋亦先有義和
地名又避太宗潘邸舊名遂改曰仁和也

鏐命指揮使錢鏐討之

十一

月甲午帝告謝於園丘

告謝者告天而謝得天下也案歐史是日日南至徐無黨

注曰不日有事于南郊蓋比南郊禮差簡

戊戌大赦

鄴王羅紹威得風

痺病

痺必至翻

上表稱魏故大鎮多外兵願得有功重臣

鎮之臣乞骸骨歸第帝聞之撫案動容

撫案動容非矜羅紹威之

病也魏博大鎮世襲者百五十年一旦委鎮請代已出於意料之表喜溢于中不知手之撫容之動也

亥以其子周翰爲天雄節度副使知府事謂使者曰

亟歸語而主

亟紀力翻急也語牛倨翻而汝也

爲我彊飯

爲于僞翻彊其兩翻

飯扶晚翻如有不可諱也

謂死當世世貴爾子孫以相報也

今使周翰領軍府尚冀爾復愈耳

考異曰梁功臣列傳朝廷自開創

有大事皆降使咨訪紹威有謀慮亦馳簡獻替或中途相遇意互合者十得五六太祖嘆曰竭忠力一人而已又曰子三人長廷規司農卿尚安陽公主又尚金華公主早卒次周翰起復雲麾將軍充天雄節度雷後尋檢校司徒正授魏博節度使亦早卒次曰周敬薛史亦同寶錄己亥以司門郎中羅廷規充魏博節度副使知府事仍改名周翰時鄴王紹威病日甚慮以後事故奏請焉莊宗列傳紹威卒溫以其子周翰嗣政莊宗寶錄紹威厚率重斂傾府藏以奉溫小有違忤溫卽遣人詬辱紹威方懷愧恥悔自弱之謀乃潛收兵市馬陰有覆溫之志而賂溫益厚溫恠其曲事慮蓄奸謀而莫之察乃賜紹威妓妾數人皆承嬖愛未半歲溫卽召還以此得其陰事內相矛楯薛史又云開平四年夏詔金華公主出家爲尼居於宋州玄靜寺蓋太祖推恩於羅氏令終其婦節也唐餘錄歐陽史皆同惟唐莊宗實錄獨異按均帝時趙巖等言羅紹威前恭後倨太祖每深含怒似與此言合然梁祖若聞紹威有陰謀必不使周翰更居魏疑後

唐史以紹威與梁最親疾之而載此傳聞之語今從眾書廷規更名周翰亦恐實錄之誤

岐王

欲取靈州以處劉知俊

處昌呂翻

且以爲牧馬之地使知

俊自將兵攻之朔方節度使韓遜告急詔鎮國節度

使康懷貞感化節度使寇彥卿將兵攻邠寧以救之

懷貞等所向皆捷克寧衍二州拔慶州南城刺史李

彥廣出降

寧慶衍三州皆靜難軍巡屬岐地也周顯德五年廢衍州爲定平鎮隸汾州九域志

熙寧五年以汾州定平縣隸涇州在州南六十里

遊兵侵掠至涇州之境劉

知俊聞之十二月己丑解靈州圍引兵還帝急召懷

貞等還遣兵迎援於三原青谷懷貞等還至三水

漢古縣唐屬邠州九域志在州東北六十里

知俊遣兵據險邀之

薛史曰知俊邀

擊懷貞等於
邠州長城嶺

左龍驤軍使壽張王彥章力戰

五代會要曰開

平元年改左右親隨軍懷貞等乃得過懷貞與裨將

李德遇許從實王審權分道而行皆與援兵不相值

至昇平

唐天寶十二載分立君置昇平縣屬坊州

劉知俊伏兵山口懷貞

大敗僅以身免德遇等軍皆沒岐王以知俊爲彰義

節度使鎮涇州王彥章驍勇絕倫

驍堅堯翻

每戰用二鐵

槍皆重百斤一置鞍中一在手所向無前時人謂之

王鐵槍 蜀蜀州刺史王宗弁稱疾罷歸成都杜門

不出

王宗弁鹿弁也蜀主養以爲子賜姓名

蜀主疑其矜功怨望加檢

校太保固辭不受謂人曰廉者足而不憂貪者憂而

不足吾小人致位至此足矣豈可求進不已乎蜀主

嘉其志而許之賜與有加宗弁之祈閑以蜀主之雄猜也劉守光

圍滄州久不下劉守光自五月攻滄州執劉守文至城下示之

猶固守城中食盡民食堇泥軍士食人驢馬相噉駮

尾噉徒濫翻駮子紅翻呂兗選男女羸弱者飼以麩麩而烹之

羸倫爲翻飼祥吏翻麩丘六翻酒母麩眠見翻麥粉以給軍食謂之宰殺務

四年春正月乙未劉延祚力盡出降時劉繼威尙幼

劉繼威守光之子也守光使大將張萬進周知裕輔之鎮滄州

爲張萬進殺劉繼威張本以延祚及其將佐歸幽州族呂兗而釋

孫鶴兗子琦年十五門下客趙玉給監刑者曰此吾

弟也勿妄殺監刑者信之遂挈以逃琦足痛不能行

玉負之變姓名乞食於路僅而得免琦感家門殄滅

力學自立晉王聞其名授代州判官孫鶴終不免於

立天平人也辛丑以盧光稠爲鎮南留後盧光稠以虔

軍置於洪州時己爲淮南所有劉守光爲其父仁恭請致仕爲千

丙午以仁恭爲太師致仕守光尋使人潛殺其兄守

文歸罪於殺者而誅之二月萬全感自岐歸廣陵

前年淮南使萬全感使晉及岐岐王承制加弘農王兼中書令嗣吳

王唐昭宗天復二年封楊行密吳王今岐王承制加隆演嗣王於是吳王赦其境

內高灃求救於吳吳常州刺史李簡等將兵應之

湖州將盛師友沈行思閉城不內澧帥麾下五千人

奔吳

按唐昭宗乾寧四年李彥徽奔淮南錢鏐取湖州天復二年徐許亂杭州湖州刺史高彥遣子

謂入援唐昭宣帝天祐三年彥卒子澧代立至是而敗帥讀日率

三月癸巳吳越王

鏐巡湖州以錢鏐爲刺史蜀太子宗懿驕暴好陵

暴舊臣

好呼到翻

內樞密使唐道襲蜀主之嬖臣也太子

屢詭之於朝

嬖匹計翻又卑義翻詭迄卻翻戲也

由是有隙互相訴於

蜀主蜀主恐其交惡以道襲爲山南西道節度使同

平章事道襲薦宣徽北院使鄭頊爲內樞密使頊受

命之日卽欲按道襲昆弟盜用內庫金帛道襲懼奏

頊褊急不可大任

褊褊辨翻

丙午出頊爲果州刺史以宣

徽南院使潘炕爲內樞密使

爲宗懿殺道襲張本炕口盜翻

夏州

都指揮使高宗益作亂殺節度使李彝昌將吏共誅

宗益推彝昌族父蕃漢都指揮使李仁福爲帥

異曰考

薛史仁福本党項拓跋氏唐末拓跋思恭以破黃巢功賜姓故仁福之族亦賜李歐陽史云不知其於思

諫爲親疎也按仁福諸子皆連彝字則於彝昌必父行也按李仁福子孫彊盛遂爲宋朝西邊之禍所

謂西癸丑仁福以聞夏四月甲子以仁福爲定難節

度使

難乃旦翻

丁卯宋州節度使衡王友諒獻瑞麥一

莖三穗帝曰豐年爲上瑞今宋州大水安用此爲詔

除本縣令名

本縣指產瑞麥之縣令力正翻

遣使詰責友諒

詰去吉翻以

兗海畱後惠王友能代爲宋州畱後

歐陽史職方考梁都大梁徙宣

武節度使於宋州薛史開平三年五月升友諒友能
宋州爲宣武軍節鎮仍以毫輝潁爲屬郡

皆全昱子也

廣王全昱
帝兄也

帝以晉州刺史下邑華溫

琪拒晉兵有功欲賞之

華戶化
翻姓也

會護國節度使冀王

友謙上言晉絳邊河東乞別建節鎮壬申以晉絳沁

三州爲定昌軍以溫琪爲節度使

沁七
鳩翻

左金吾大

將軍寇彥卿入朝至天津橋有民不避道投諸欄外

而死

據歐史寇彥卿
傳民姓梁各現

彥卿自首於帝

首式
又翻

帝以彥卿

才幹有功久在左右命以私財遺死者家以贖罪

遺

李御史司憲崔沂

唐高宗以御史大夫爲大司憲蓋
以御史執法之官故名之梁置御

史司憲旣曰御史復曰司
憲蓋不考名官之義也

劾奏彥卿殺人闕下請論

如漢帝命彥卿分析

崔沂請依法論彥卿之罪帝欲寬之故使分析分析者使彥卿

置對分疎辨析梁現致死之由劾戶槩翻又戶得翻

彥卿對令從者舉置欄外

從才用翻

不意誤死帝欲以過失論沂奏在漢以勢力使

令爲首下手爲從不得歸罪從者不鬪而故毆傷人

毆烏口翻

加傷罪一等不得爲過失辛巳責授彥卿遊擊

將軍左衛中郎將彥卿揚言有得崔沂首者賞錢萬

緡沂以白帝帝使人謂彥卿

謂者告語之也

崔沂有毫髮傷

我當族汝時功臣驕橫

橫戶孟翻

由是稍肅沂沆之弟也

崔沆見二百五十四卷唐僖宗廣明元年

五月吳徐溫母周氏卒將吏

致祭爲偶人高數尺衣以羅錦溫曰此皆出民力柰

何施於此而焚之宜解以衣貧者

偶人起於古之芻靈中世謂之俑則

機械發動其手足耳目真有類於生人孔子曰始未作俑者其無後乎正謂此也高居號翻衣於既翻

幾起復爲內外馬步軍都軍使領潤州觀察使

幾居豈翻

起復之制通古今疑之禮記子夏問曰三年之喪卒哭金革之事無避也者禮與其非禮與孔子曰吾聞

諸老聃昔者魯公伯禽有爲爲之也今以三年之喪從其利者吾弗知也注云伯禽封於魯有徐戎作難

卒哭而征之急王事也自漢以後不許二千石以上行三年喪魏晉聽行三年喪而大臣率有以奪情起

復者習俗聞見以爲當然莫之非也嗚呼此豈非孔子所謂以三年之喪從其利者乎若王莽之志不在

喪徐溫之起復所謂從其利者又難言也

岐王屢求貨於蜀蜀主皆與

之又求巴劍二州蜀主曰吾奉茂貞勤亦至矣若與

之地是弃民也寧多與之貨乃復以絲茶布帛七萬

遺之

復扶又翻 遺唯季翻

己亥以劉繼威為義昌節度使守

光之請也

癸丑天雄節度使兼中書令鄴貞莊王羅紹

威卒

自開平以後國主皆書殂其後書卒詔以其子周翰為天雄節度使

匡國節度使長樂忠敬王馮行襲疾篤

二年改許州忠武軍

為匡國軍見上卷樂音洛

表請代者許州牙兵二千皆秦宗權餘

黨帝深以為憂六月庚戌命崇政院直學士李珽馳

往視行襲病

崇政院直學士即宋朝樞密直學士之職五代會要開平二年十一月置崇政

院直學士二員選有政術文學者為之後又改為直

崇政院李珽即諫成納造大船者納敗歸趙匡凝匡

凝敗歸梁 珽徒鼎翻

曰善諭朕意勿使亂我近鎮

珽至許州謂將吏曰天子握百萬兵去此數舍

三十里為一舍九域志許州至洛陽

三百一十五里 馮公忠純勿使上有所疑汝曹赤心奉國何

憂不富貴由是眾莫敢異議行襲欲使人代受詔珽

曰東首加朝服禮也論語曰疾君視之東首加朝服

咫尺之意守式乃即臥內宣詔謂行襲曰公善自輔

養勿視事此子孫之福也行襲泣謝遂解兩使印授

珽兩使印節度使觀使代掌軍府帝聞之曰予固知

珽能辦事馮族亦不亡矣庚辰行襲卒甲申以李珽

權知匡國畱後悉以行襲兵分隸諸校冒馮姓者皆

還宗冒馮姓者皆行襲之養子也使之楚王殷求

爲天策上將詔加天策上將軍殷始開天策府以弟

竇爲左相存爲右相

竇蕞宗翻

殷遣將侵荆南軍于油口

油口在江陵府公安縣

高季昌擊破之斬首五千級逐北至白

田而還

還從宣翻又如字

吳水軍指揮使敖駢圍吉州刺

史彭玕弟瑊於赤石

瑊古咸翻卽吉州之赤石洞彭氏巢穴也

楚兵救瑊

虜駢以歸

秋七月蜀門下侍郎兼吏部尙書同平

章事韋莊卒

吳越王鏐表宦者周延誥等二十五

人唐末避禍至此非劉韓之黨乞原之

劉韓謂劉季述韓全誨也

上曰此屬吾知其無罪但今革弊之初不欲置之禁

掖可且畱於彼諭以此意

岐王與汾涇二帥

郭帥李繼

徽涇帥劉知俊帥所類翻

各遣使告晉請合兵攻定難節度使李

仁福難乃旦翻晉王遣振武節度使周德威將兵會之合

五萬眾圍夏州仁福嬰城拒守夏戶雅翻八月以劉守

光兼義昌節度使考異曰實錄是歲五月以義昌雷後劉繼威爲義昌節度使八月

又云以守光兼義昌節度使不言置繼威於何處或

者復爲雷後不然守光兼幽滄節度使繼威但爲滄

州節度使皆不可知今兩存之余謂先是以劉守光子繼威爲義昌節度使繼威童騃故復命守光兼

領之蓋亦守光之志也鎮定自帝踐祚以來祚當作陣雖不輸常

賦而貢獻甚勤會趙王鎔母何氏卒庚申遣使弔之

且授起復官時鄰道弔客皆在館使者見晉使歸言

於帝曰鎔潛與晉通鎮定勢彊恐終難制帝深然之

爲遣兵圍鎮定二鎮附晉張本王戌李仁福來告急甲子以河南

尹兼中書令張全義爲西京畱守帝恐晉兵襲西京

晉兵自潞州下懷孟則西京震動矣以宣化畱後李思安爲東北面行

營都指揮使據歐史職方考梁將兵萬人屯河陽以

衛洛陽也丙寅帝發洛陽己巳至陝陝式冉翻辛未以鎮國節

度使楊師厚爲西路行營招討使會感化節度使康

懷貞將兵三萬屯三原唐末以徐州數經叛亂廢武

職方考徐州直注武寧軍華州注感化軍蓋梁改華

州鎮國軍爲感化軍也一曰感化軍陝州梁初改同

州爲忠武軍蓋劉知俊之帝憂晉兵出澤州逼懷州

既而聞其在綏銀磧中晉兵趨夏州幸自麟府濟河西至夏州四百里所謂磧中皆旱海及無定河川之

地磧七
遊翻

曰無足慮也甲申遣夾馬指揮使李遇劉綰

自鄜延趨銀夏邀其歸路

梁置左右堅銳夾
馬突將趨七喻翻

吳越

王鏐築捍海石塘

今杭州城外瀕浙江皆有石塘上
起六和塔下抵艮山門外皆錢氏

所築廣杭州城大修臺館由是錢塘富庶盛於東南

九月己丑上發陝甲午至洛陽疾復作

復扶
又翻

李遇

等至夏州岐晉兵皆解去冬十月遣鎮國節度使

楊師厚相州刺史李思安將兵屯澤州以圖上黨

吳越王鏐之巡湖州也畱沈行思爲巡檢使與盛師

友俱歸行思謂同列陳瓌曰王若以師友爲刺史何

以處我

是年三月鏐巡
湖州處昌呂翻

時瓌已得鏐密旨遣行思詣

府

指鎮海軍府

乃給之曰何不自詣王所論之行思從之

既至數日瓌送其家亦至行思恨瓌賣己鏐自衣錦

軍歸

錢鏐生於臨安石鏡鎮里中有大木鏐幼與羣兒戲木下鏐坐大石指揮羣兒爲隊伍號令有

法羣兒憚之及貴唐昭宗改鏐所居鄉爲廣義鄉里

爲勳貴里所居營曰衣錦營石鏡山爲衣錦山鏐每

遊衣錦軍宴故老山林皆覆以錦號其幼所常戲人

木曰衣錦將軍作歌曰三郎還鄉兮衣錦衣父老遠

來相追隨斗牛無字民無欺吳越一王駟馬歸給徒亥翻衣於既翻

將吏迎謁行思取

鍛槌擊瓌殺之

鍛都玩翻小治也槌傳追翻

因詣鏐與師友論功

論逐高禮之功奪左右梁欲刺師友

梁色角翻刺七亦翻

眾執之鏐斬

行思以師友爲婺州刺史十一月己丑以寧國節度使同平章事王景仁充北面行營都指揮招討使

通鑑二百六十一 後梁紀一
路州副招討使韓勅副之

勅果京翻

以李思安爲先鋒將

趣上黨

趣七喻翻

尋遣景仁等屯魏州

意在圍鎮定楊師不在上黨也

厚還陝

蜀主更太子宗懿名曰元坦

更工衡翻

庚戌立

假子宗裕爲通王宗範爲夔王宗鑑爲昌王

鑑火外翻

宗

壽爲嘉王宗翰爲集王立其子宗仁爲普王宗輅爲

雅王宗紀爲襄王宗智爲榮王宗澤爲興王宗鼎爲

彭王宗傑爲信王宗衍爲鄭王初唐末宦官典兵者

多養軍中壯士爲子以自彊

如田令孜楊復恭之類

由是諸將

亦倣之而蜀主尤多惟宗懿等九人及宗特宗平真

其子宗裕宗鑑宗壽皆其族人宗翰姓孟蜀主之姊

子宗範姓張其母周氏爲蜀主妾自餘假子百二十

人皆功臣雖冒姓連名而不禁昏姻

史言假父假子皆以利合非人

倫之

上疾小愈辛亥校獵於伊洛之間

伊洛二水之間也

上疑趙王鎔貳於晉

先有疑心因晉使在館愈疑之

且欲因鄴王

紹威卒除移鎮定會燕王守光發兵屯涑水欲侵定

州上遣供奉官杜廷隱丁延徽監魏博兵三千分屯

深冀

唐末置東頭供奉官西頭供奉官後皆爲西班牙寄祿

聲言恐燕兵南寇助

趙守禦又云分兵就食趙將石公立戍深州白趙王

鎔請拒之鎔遽命開門移公立於外以避之公立出

門

出深州城門

指城而泣曰朱氏滅唐社稷三尺童子知

其爲人而我王猶恃姻好以長者期之

梁子昭祚娶梁女見二百

六十二卷唐昭宗光化二年好呼到翻長知兩翻

此所謂開門揖盜者也惜

乎此城之人今爲虜矣梁人有亡奔真定以其謀告

鎔者鎔大懼又不敢先自絕但遣使詣洛陽訴稱燕

兵已還與定州講和如故

定州謂義武節度使王處直也

深冀民見

魏博兵人奔走驚駭乞召兵還上遣使詣真定慰諭

之未幾廷隱等閉門盡殺趙戍兵乘城拒守

戢居宣翻鎔

始命石公立攻之不克乃遣使求援於燕晉鎔使者

至晉陽義武節度使王處直使者亦至欲其推晉王

爲盟主合兵攻梁晉王會將佐謀之皆曰鎔久臣朱

溫唐昭宗光化三年王鎔服於朱全忠及其受禪遂臣事之歲輸重賂輸春遇翻結以

昏姻其交深矣此必詐也宜徐觀之王曰彼亦擇利

害而爲之耳王氏在唐世猶或臣或叛謂王武俊承宗及王庭湊

也況肯終爲朱氏之臣乎彼朱溫之女何如壽安公

主王鎔曾祖元遠尚唐絳王愔女壽安公主今救死不贍何顧昏姻我若

疑而不救正墮朱氏計中宜趣發兵赴之趣讀日促晉趙

叶力破梁必矣乃發兵遣周德威將之出井陘屯趙

州史言晉王識虛實見兵勢陞音刑鎔使者至幽州燕王守光方獵

幕僚孫鶴馳詣野謂守光曰趙人來乞師此天欲成

王之功業也守光曰何故對曰比常患其與朱溫膠

固比毗至
翻近也溫之志非盡吞河朔不已今彼自爲讎敵

王若與之并力破梁則鎮定皆斂衽而朝燕矣鎮定
銘定

王處直朝
直遙翻王不出師但恐晉人先我矣守光曰王鎔

數負約先悉薦翻
數所角翻今使之與梁自相弊吾可以坐承

其利自戰國以來
此說也苟不能審勢見機則此說誤人多矣

又何救焉趙使者交錯于路守光竟不爲出兵自是

鎮定復稱唐天祐年號復以武順爲成德軍鎮定臣
梁稱開

平年號避梁廟諱改
成德軍爲武順軍今
既與梁猜阻故年號軍號皆復唐之舊司天言來

月太陰虧不利宿兵於外上召王景仁等還洛陽十

二月己未上聞趙與晉合晉兵已屯趙州乃命王景

仁等將兵擊之庚申景仁等自河陽度河會羅周翰

兵合四萬軍于邢洺 虔州刺史盧光稠疾病欲以

位授譚全播疾革曰病譚全播與盧光稠同起兵者也全播不受光稠卒

其子韶州刺史延昌來奔喪全播立而事之吳遣使

拜延昌虔州刺史延昌受之亦因楚王殷密通表於

梁曰我受淮南官以緩其謀耳必爲朝廷經略江西

爲于僞謂盧延昌此言欲得鎮南旌節耳丙寅以延昌爲鎮南留後延昌

表其將廖爽爲韶州刺史廖力救翻今讀如料姓苑云周王子伯廖之後後漢

有廖爽贛人也贛音紺吳淮南節度判官嚴可求請置

制置使於新淦縣新淦漢古縣唐屬吉州九域志在虔州北六百里宋白曰縣南有子

塗山因名塗音社又音甘

遣兵戍之以圖虔州每更代輒潛益其

兵虔人不之覺也

更工衡翻爲淮南併虔州張本

庚午蜀主以御

史中丞周庠戶部侍郎判度支庾傳素並爲中書侍

郎同平章事

太常卿李燕等刊定梁律令格式癸

酉行之

按五代會要新刪定令三十卷式二十卷格一十卷律并目錄一十三卷律疏三十卷共

一百三卷目爲大梁新定格式律令頒下施行

丁丑王景仁等進軍柏鄉

辛巳蜀大赦改明年元曰永平

趙王鎔復告急

於晉

復扶又翻王景仁等之軍侵逼故復告急

晉王以蕃漢副總管李存

審守晉陽自將兵自贊皇東下

贊皇縣以山得名宋白曰贊皇本漢鄆縣

地隋開皇六年置贊皇縣縣南有贊皇山因名按九域志宋廢贊皇縣爲鎮屬高邑縣高邑縣在趙州西

南四十里 王處直遣將將兵以從從才用翻辛巳晉王至趙

州與周德威合獲梁芻蕘者二百人刈草曰芻采薪曰蕘蕘如招翻

問之曰初發洛陽梁主有何號令對曰梁主戒上將

云鎮州反覆終爲子孫之患今悉以精兵付汝鎮州

雖以鐵爲城必爲我取之必爲子偽翻晉王命送於趙使趙

人聞此言以堅其附晉之心壬午晉王進軍距柏鄉三十里遣周

德威等以胡騎迫梁營挑戰挑徒了翻梁兵不出癸未復

進距柏鄉五里營於野河之北又遣胡騎迫梁營馳

射且詬之復扶又翻詬古候翻又許候翻梁將韓勅等將步騎三萬

分三道追之鎧冑皆被繒綺鏤金銀光彩炫耀被皮義翻

豆翻炫焚絹翻晉人望之奪氣周德威謂李存璋曰

梁人志不在戰徒欲曜兵耳不挫其銳則吾軍不振

乃徇于軍曰彼皆汴州天武軍五代會要曰開平元年四月改左右長直

為左右龍虎軍左右內衙為左右羽林軍左右堅銳

夾馬突將為左右神武軍左右親隨軍將馬軍為左

右龍驤軍其年九月置左右天興左右廣勝軍仍以

親王為軍使二年十月置左右神捷軍十二月改左

右天武為左右龍虎軍左右天武軍左

右天威為左右羽林軍左右羽林為左右天威軍左

右英武為左右神武軍左右神武為左右英武軍前

朝置神虎等六軍謂之衛士至是以天武天威英武

等六軍易其軍號而任勳舊焉屠酷傭販之徒耳衣鎧雖鮮十不能

當汝一擒獲一夫足以自富此乃奇貨不可失也德

威自引千餘精騎擊其兩端陳有厚薄中軍堅厚不可衝擊擊其兩端以其

薄也左右馳突出入數四俘獲百餘人且戰且卻距野

河而止梁兵亦退德威言於晉王曰賊勢甚盛宜按

兵以待其衰王曰吾孤軍遠來救人之急三鎮烏合

利於速戰鎮定河東是為三鎮言三鎮之兵合而為一當乘初至之銳以破敵曠日持久情見

勢屈敵人聞之其心必離公乃欲按兵持重何也德威曰鎮定之

兵長於守城短於野戰且吾所恃者騎兵利於平原

廣野可以馳突今壓賊壘門騎無所展其足且眾寡

不敵使彼知吾虛實則事危矣王不悅退臥帳中諸

將莫敢言德威往見張承業曰大王驟勝而輕敵謂

塞之勝也不量力而務速戰量音良今去賊咫尺所限者一

水耳

謂野河之水也

彼若造浮橋以薄我我眾立盡矣不若

退軍高邑

高邑漢鄆縣光武更名高邑唐屬趙州九域志在州西南四十二里在柏鄉北三十

餘誘賊離營

誘音酉離力智翻

彼出則歸彼歸則出別以輕

騎掠其饋餉不過踰月破之必矣承業入寨帳撫王

曰

發起

此豈王安寢時耶周德威老將知兵其言不

可忽也王蹶然興曰予方思之時梁兵閉壘不出有

降者詰之

降戶江翻詰去吉翻

曰景仁方多造浮橋王謂德威

曰果如公言是日拔營退保高邑

辰州蠻酋宋鄴

溱州蠻酋潘金盛恃其所居深險數擾楚邊至是鄴

寇湘鄉

酋慈由翻激音敘數所角翻宋白曰秦置黔中郡於今沅陵縣西二十里漢改黔中郡爲

武陵郡建武二十五年宗均受羣蠻降置辰陽縣隋
爲辰州因辰溪爲名唐貞觀八年分辰州龍標縣置
巫州天授三年改沅州大厯五年改澁州唐武德四
年分衡山置湘鄉縣屬潭州九域志在州西南一百
五十五里楚書作潘全盛**金盛寇武岡**宋白曰晉武帝分都梁立武岡縣今崗東五十里有
漢都梁故城是也後漢武陵蠻爲漢所伐來保此
崗故謂之武岡郡國志云武岡接武陵因以爲名**楚**

王殷遣昭州刺史呂師周將衡山兵五千討之

異曰考

湖湘故事呂師周斬潘金晟於武岡其年十月十一日辰州宋鄰澁州昌師益一時歸投於馬氏今從十年國紀
寧遠節度使龐巨昭高州防禦使劉昌魯皆

唐官也黃巢之寇嶺南也巨昭爲容管觀察使昌魯

爲高州刺史帥羣蠻據險以拒之

帥讀日率

巢眾不敢入

境唐嘉其功置寧遠軍於容州以巨昭爲節度使

按通

通鑑二百六十七 後漢紀一
鑿唐昭宗乾寧四年置寧遠軍於容州以李克用大將蓋寓領節度使考之新書方鎮表容州置節鎮亦在是年龐巨昭建節當在是年之後以昌魯爲高州防禦使及劉隱據

嶺南二州不從隱遣弟嚴攻高州昌魯大破之又攻

容州亦不克昌魯自度終非隱敵

度徒洛翻

是歲致書請

自歸於楚楚王殷大喜遣橫州刺史姚彥章將兵迎

之彥章至容州裨將莫彥昭說巨昭曰湖南兵遠來

疲乏宜撤儲備

說式芮翻撤直列翻備直里翻

弃城潛於山谷以待

之彼必入城我以全軍掩之彼外無繼援可擒也巨

昭曰馬氏方興今雖勝之後將何如不若具牛酒迎

之彥昭不從巨昭殺之舉州迎降

考異曰湖湘故事龐巨昭本唐末

邕容等州防禦使聞馬氏令公以征南步軍指揮使李瓊知桂州軍事領兵士收服嶺外昭梧象柳宜蒙賀桂等州巨贖聞此雄勢謂諸首領曰李瓊有破竹之勢若長驅兵馬此來侵吞吾境其將柰何時容南指揮使莫彥昭對曰李瓊兵馬其勢已雄必然輕敵今欲燒毀城內軍儲且各入山峒拋州城與李瓊候纔入州卻依前出諸山峒兵士復攻之堅守旬月之間城內必無軍糧外無救應方可制進攻具再攻擊之必取勝也龐巨贖曰吾每至中宵獨占氣象馬氏合當五十餘年興霸湖外苟五十餘年對壘安知孰非是以憂疑不暇遂至深夜斬莫彥昭於其第明日以其故密走事宐於湖南又曰天復末甲子十有二月容南龐巨贖深慮廣南劉巖不道加害於已遂差小吏開路密持書款歸於馬氏是時湖南遣澧州刺史姚彥章領馬步軍八千徑往容南巨贖遂帥萬餘眾歸於馬氏又曰高州防禦使劉昌魯以廣南先王劉巖欲并吞嶺外數召昌魯欲籍沒其家族昌魯知之乃刺血寫書投馬氏具述懇急湖南遂遣捉生指揮使張可求部轄兵馬於界首應接一行三千餘口歸於馬氏今從十國紀年

彥章進至高

州九域志容州東南至高州二百八十里

以兵援送巨昭昌魯之族及

士卒千餘人歸長沙楚王殷以彥章知容州事

彥章為姚

不能守容州張本

以昌魯為永順節度副使

馬殷并朗州奏改武貞軍為永

順昌魯鄴人也

乾化元年

按歐史是年五月甲申朔大赦改元

春正月丙戌朔日有食

之

朔日食今從實錄等諸書

柏鄉比不儲芻

比賦至

近也言近時趙人不儲芻於柏鄉蓋亦虞梁兵之至以資敵也

梁兵刈芻自給晉人

日以遊軍抄之

抄楚交翻

梁兵不出周德威使胡騎環營

馳射而詬之

環音宦詬古候翻

梁兵疑有伏愈不敢出剽屋

茅坐席以飼馬

捋寸臥翻飼祥吏翻

馬多死丁亥周德威與別

將史建瑋李嗣源將精騎三千壓梁壘門而詬之王

景仁韓勅怒悉眾而出德威等轉戰至高邑南李存

璋以步兵陳於野河之上陣下同梁軍橫亙數里競

前奪橋鎮定步兵禦之勢不能支晉王謂匡衛都指

揮使李建及曰賊過橋則不可復制矣建及選卒二

百援鎗大譟復扶又翻力戰卻之建及許州人姓王

李罕之之假子也薛史李建及本姓王少事李罕之

獻李克用建及在籍晉王登高丘以望曰梁兵爭進

而囂囂虛驕翻我兵整而靜我必勝戰自己至午勝

負未決晉王謂周德威曰兩軍已合勢不可離我之

興亡在此一舉我爲公先登公可繼之德威叩馬而

諫曰觀梁兵之勢可以勞逸制之未易以力勝也

爲于

僞翻易以鼓翻

彼去營三十餘里雖挾糗糧亦不暇食日昃

之後飢渴內迫矢刃外交

糗去久翻昃也結翻日昃也

士卒勞倦

必有退志當是時我以精騎乘之必大捷於今未可

也王乃止

梁晉爭天下周德威以勇聞是難能也然觀其制勝以計不以勇是又難能矣時

魏滑之兵陳於東宋汴之兵陳於西至晡梁軍未食

士無鬪志景仁等引兵稍卻周德威疾呼曰

呼火故翻梁

兵走矣晉兵大譟爭進魏滑兵先退李嗣源帥眾譟

於西陳之前曰東陳已走爾何久畱梁兵互相驚怖

遂大潰

置陣延方東西不相知爲敵所誤故驚悸而潰

故驚悸而潰李存璋引

步兵乘之呼曰梁人亦吾人也父兄子弟餉軍者勿

殺於是戰士悉解甲投兵而弃之囂聲動天地趙人

以深冀之憾不顧剽掠

憾梁遣杜廷隱等殺深冀戍兵也剽匹妙翻

但奮

白刃追之梁之龍驤神捷精兵殆盡

薛史本紀開成二年以尹皓部

下五百人爲神捷軍

自野河至柏鄉僵尸蔽地

僵居良翻王景仁韓

勅李思安以數十騎走

王景仁嘗以勞逸制梁兵而不知又爲周德威以勞逸制

也晉兵夜至柏鄉梁兵已去弃糧食資財器械不可

勝計

勝音升

凡斬首二萬級李嗣源等追奔至邠州

尤域

志自柏鄉西南至邠州一百五十餘里

河朔大震保義節度使王檀嚴

備然後開城納敗卒給以資糧散遣歸本道晉王收

兵屯趙州杜廷隱等聞梁兵敗奔深冀而去悉驅二

州丁壯爲奴婢老弱者阬之城中存者壞垣而已癸

巳復以楊思厚爲北面都招討使將兵屯河陽收集

散兵旬餘得萬人己亥晉王遣周德威史建瑋將三

千騎趣澶魏魏七除翻澶魏二張承業李存璋以步

兵攻邢州自以大軍繼之移檄河北州縣諭以利害

帝遣別將徐仁溥將兵千人自西山夜入邢州西山

行連延至上黨諸山助王檀城守己酉罷王景仁招討使落平

章事以其敗也蜀主之女普慈公主嫁岐王從子秦州

節度使繼崇

蜀主以蕭梁郡名封其女宋白曰梁武帝置普慈郡於普州安岳縣從才用翻

公主遣宦者宋光嗣以絹書遺蜀主

遺唯季翻

言繼崇驕

矜嗜酒求歸成都蜀主召公主歸寧

已嫁之女父母在則有時而歸

寧寧安也

辛亥公主至成都蜀主畱之以宋光嗣爲閣門

南院使岐王怒始與蜀絕

爲蜀伐岐張本

光嗣福州人也

呂師周攀藤緣崖入飛山洞襲潘金盛擒送武岡斬

之

飛山在今靖州北十五里比諸山爲最高峻四面絕壁千仞環山有壕塹其遺趾尙存

二

月己未晉王至魏州攻之不克上以羅周翰年少且

忌其舊將佐

謂羅紹威之元從將佐也少詩照翻

庚申以戶部尙書李

振爲天雄節度副使命杜廷隱將兵千人衛之

先是

通鑑三十一
羅紹威之請撫案動
容至此心術露矣

自楊劉濟河閒道夜入魏州助

周翰城守

閒古寬翻
守手又翻

癸亥晉王觀河於黎陽梁兵萬

餘將度河聞晉王至皆弃舟而去

史言梁兵懼
晉王之甚

帝

召蔡州刺史張愼思至洛陽久未除代蔡州右廂指

揮使劉行琮作亂縱兵焚掠將奔淮南順化指揮使

王存儼誅行琮撫遏其眾自領州事以眾情馳奏時

東京畱守博王友文不先請遽發兵討之兵至鄆陵

九域志鄆陵縣在大
梁東南一百六十里

帝曰存儼方懼若臨之以兵則

飛去矣馳使召還甲子授存儼權知蔡州事 乙丑

周德威自臨清攻貝州拔夏津高唐

夏津本古鄆縣
唐天寶元年更

名夏津屬貝州九域志在魏州東北二百五十里

攻博州拔東武朝城

漢東郡

武陽縣後魏曰武陽唐開元七年更名朝城屬魏州故朝城縣管內猶有地名東武九域志朝城在魏州

東南入十里攻澶州刺史張可臻弃城走帝斬之德威進

攻黎陽拔臨河淇門逼衛州掠新鄉其城

隋分汲獲嘉二縣地

於古新樂城置新鄉縣其城漢共縣地唐志屬衛州九域志其城在州西北五十五里其音蒸

庚午

帝親帥軍屯白司馬阪以備之

史言晉兵乘勝聲勢之盛梁祖選富家子

有材力者置帳下號廳子都薛居正曰太祖置廳子都最爲親軍白司馬阪在洛陽城北帥讀曰率

盧龍義昌節度使兼中書令燕王守光旣克滄州

去

正月克滄州自謂得天助淫虐滋甚每刑人必置諸鐵籠

以火逼之又爲鐵刷刷人面聞梁兵敗於柏鄉使人

謂趙王鎔及王處直曰聞二鎮與晉王破梁兵舉軍

南下僕亦有精騎三萬欲自將之爲諸公啓行詩元戎十

乘以先啓行注云啓突敵陣之前行行戶剛翻然四鎮連兵必有盟主僕若

至彼何以處之四鎮謂并幽鎮定處昌呂翻鎔患之遣使告于晉

王晉王笑曰趙人告急守光不能出一卒以救之及

吾成功乃復欲以兵威離閒二鎮復扶又翻閒古覓翻愚莫甚

焉諸將曰雲代與燕接境彼若擾我城戍動搖人情

吾千里出征緩急難應此亦腹心之患也不若先取

守光然後可以專意南討王曰善爲晉攻燕減之張本會楊師

厚自磁相引兵救邢魏壬申晉解圍去師厚追之逾

漳水而還邠州圍亦解

先解魏州圍又解邠州圍磁

如師厚畱屯魏州趙王鎔自來謁晉王於趙州

苑城志

州南至趙州九十五里

大犒將士

犒苦到翻

自是遣其養子德明將

三十七都常從晉王征討德明本姓張名文禮燕人

也

張文禮後遂殺王鎔而亂鎮州

壬午晉王發趙州歸晉陽畱周德

威等將三千人戍趙州

資治通鑑卷第二百六十七









